

戴融天聖四年七月以太常博士知縣事臨民未朞治  
具大舉先是邑人以物產久虛而茶賦不除土敞無出齊  
民愈困公乃藉數之贏少第戶之豐之審地置而均其課  
由是鄉亭絕追捕之苦縣有崇禮萬歲二鄉人多澤居罕  
務力穡資橘山之資以甯禁公喻以理法民遂草業務農  
私室漸實園扉薦空戊辰歲召還二鄉之民立祠於射材  
永興寺鄉貢進士張先記石刻在寺

孫元 張唯 沈兼 楊仲元  
劉仁化 唐珮 楊濟 元居中

謝天仲

林震

李杲

崔表臣

諸程

李均

丁諤

虞兆

鄭惇惠

杜慶長

柯述

劉偁

邢端

王萃老

蔡瑗

毛直友

梁鐸

楊郊

李元

劉藩

胡知柔

何亮直

齊定國

張興中

李景亮

劉蒙

林豈

錢耕

俞侯 字居易郡人也尚之孫宣和中浙右經方寇之授  
州縣多闕守令侯知真定獲鹿縣辟為歸安縣在郡邦人



多難之乃預定規模模處之以公朱勗請括諸路隱匿田縣  
獨不與鹽法屢變私販者罪甚重縣獨寬之葛勝仲知州  
事待俟甚厚或至縣治與之談後仕至敷文閣學士所至  
有治聲人稱為吏師

潘騫

葉夢齡

竇深

蔣循祖

張柟

魯諛

莫近

王法臣

俞該

馬迴

重建宅堂  
并雙桂堂

宋松年

朱搏

趙善愧

郭遂良

霍文郁

侯克國

王綜

蔡瑀

王馱

盧溶

俞希尹

子應符

魏興祖

王寧

施廣國

林思聰

黃犖

林一鳴

周庭藻

馮必大

俞應符

鄭昭先

長興縣

長興縣自晉初置令之後以名見于史傳諸書者晉有陳  
達齊有何敬叔范岫庾沙彌陳有謝夷吾唐有鉗耳可知命  
朱自勉權逢吉潘虔紹興八年縣令張琮始袁集宋朝太  
平興國中錢氏納土以後縣令姓名刻石寘于廳事今併  
錄之



晉陳達 南史陳紀晉太尉準之孫達為長城令悅其山水遂家為嘗謂所親曰此地山水清麗當有王者興二百年後我子孫必鍾斯運

齊何敬叔 南史傳何敬叔為長城令有能名在縣清廉不受禮遺夏節至忽榜門受餉數日得米三千餘解他物

稱是悉以代貧民輸租

范岫 南史傳范岫任梁官至祠郎尚書為齊長城令時

有梓林中箱至數十年經貴遂不改易

庾沙彌 南史孝義傳庾沙彌至孝年於長城令

陳謝夷吾 舊編陳始興主發謝安墓安裔孫長城令夷

吾從葬于三鴉山

唐鉗耳知命 唐志

朱自勉 見顏真卿放生池碑

權逢吉 舊圖經西湖久廢元和中刺史范傳正命縣令

權逢吉去塘中白及決偃以後右迹

潘虔 舊圖經西湖咸道中縣令潘虔重修

宋尹克勤

郭同節

王和白

李贄

魏拱

喬文郁

張諫

潘濬



歐陽徒

鞠仲儀

王翊

馬宜

王樞

袁旦

魏嗣宗

愈良儒

張合

朱辰

宋穆

唐詞

劉與舉

馮彭

柳察

林槩

舊編寶元中為令時邑人猶未知學槩為闢庠序

置生員身自誨飭講論經籍日出視事日昇詣學抵夜而

歸寒暑不倦由是邑之登科者接踵後其子希奇吳興邑

之吏隱堂序賓亭皆有長篇刻之石

裴大亮

閻苒

任凱

趙元儀

許遵

郝承

汪濤

蕭汝器

方謹德

侯賓國

張樸

葉斐恭

吳濤

劉仲章

劉慈

陳知源

陳之才

郭剛

邱述

吳一巨

董若

陳知恕

黃頡

顏長氏

張彥輔

謝伯宜

林露

林髦

張瑱

許宸卿

黃素

宋昌

蔡圭

吳昇昇

陳告老

舊編宣和中為令方寇之變人情訥訥縣東有



竊發者千餘人公以死誓吏民整卒伍攻之手誅鉏千餘人縣獲按堵

徐文虎

李正郎

毛欽悅

王勳

葛彥成

張琮

常因

黃偉

趙子卓

劉授之

蔡圻

陳叶

計顛

呂僧護

曾悅

方拜之

劉邦光

張維

顏度

鄭熊

林大中

趙彥洸

趙師復

吳銳

錢師說

陳橫

慕容綈

李樞

陳鈞

向士裴

黃由己

董與幾

武康縣

武康縣初名永安置自漢之初平令長之設舊矣自吳以至六朝舊編謂可書者五人晉賀循宋朱齡石齊傅琰梁何遠陳殷不佞宋書又有庾肅之唐顏真卿放生池碑有李汧張士若吳興統記有慶澄大慈寺鐘銘有韓章又有宋朝張肅淵應廟碑有唐劉洵餘英志又增陳沈峻一人今參考諸史記傳琰在宋殷不佞沈峻在梁庾肅之在晉又晉有袁猷孔欣之梁有伏挺樂藏唐有獨孤及諸人皆



有行事故併舊編所載及其事迹列之于后若大題名始  
立於紹興初之鍾變斷自祥符六年王素以後至今聯續  
以書其有政績著見者併附之下云題名衢州判官陸彥  
昭為序  
晉賀循 晉書賀循字彥先舉茂才除武康令俗多厚葬  
及有拍忌停喪不葬者循皆禁之政教盛行鄰城宗之久  
不進序顧榮陸機陸雲表薦之曰武康令賀循德量遠茂  
才鑒清遠服膺道素風操疑峻歷試三城刑政肅穆才望  
資品可尚書久之召為太子舍人

表猷

晉書表環傳弟猷字申甫少興此環齊名俱度江環

為丹楊猷為武康兄弟列宰名邑論者美之

庾肅之

南史沈道虔武康人居縣北石山下孫恩亂後

饑荒縣令庾肅之迎出縣南廢頭里為立宅臨溪山水之

玩時還石山精廬

孔欣之

南史沈道虔居武康鄉里少年相率受學道虔

常無食立學武康令孔欣之厚相資給受學者咸得有成

宋朱齡石

南史朱齡石宋武帝克京城以為建武叅軍

遷武康今縣人姚係祖專為剗掠郡縣不能討齡石至縣



偽與之厚召為參軍係祖出應召齡石斬之掩其家恚殺其兄弟由是一部得清

傳琰南史傳琰字季珪仕宋為武康令縣人領之傳聖賜爵新亭侯時稱傳氏有治縣譜子孫相傳不以示人梁何遠南史何遠字義方為武康令屬廉節除淫化正身率職人甚稱之太守王柳行部諸縣皆盛供帳以待至武康獨設糗水而已彬去遠送至境進斗酒雙鶩而別彬戲曰禮有過陸汭將不為古人所笑乎武帝聞其能擢為宣城太守自縣為近畿夫郡近代未有也

樂藏南史沈顯傳梁天監四年北大舉南侵樂歲為武

康令以顛從役到建鄴揚州別駕陸任以書與吳興太守柳惲責其不能甄善別賢惲慙即表停之顛有至行而藏俾從役藏之慚宜甚于惲姑誌之以為令者之戒

伏挺南史伏挺天監中為武康令

沈峻南史梁時為中書通事舍人出為武康令卒官

殷不佞字李卿梁承聖初為武康令時兵荒饑饉百姓流移不佞循撫招集襁負者以千數

唐慶澄統記廣德元年袁晁賊傾陷浙右縣人朱泚沈



皓舉亡命之徒以應之縣郭氏居悉為灰燼二年寇平五  
兵曹參軍慶澄兼武康德清二縣今於瓦礫荆棘之場創  
置室宇即前溪北古址築城開墾伐木開徑入虎豹之穴  
織蓬編箬為棟宇之覆仍散文牒名逋亡者還業未滿歲  
色復其舊暮年繁庶過半皆澄力也

李汗 見顏真卿放生池碑

張士若 同上

獨孤及 餘英志唐獨孤及為武康宰嘗作亭于山因名  
其山曰獨孤有遺址存見獨孤山下

劉洵 統記元年邑境旱縣令劉洵以響潭靈異率寮

屬祈禱應時霧霽見響潭下

韓章 大慈寺神鍾記縣令韓章撰鍾大歷五年僧神晤

鑄祥見神鍾下

宋王素 孫允迪 陳豐高 王易簡 張仲回

何 趙 陳 果 張 熙 蕭 傳

趙 樵 陳 果 張 熙 蕭 傳

尹 迪 余 孝 恭 朱 東 之 羅 本 之

李 恭 敏 王 震 始 見 盡 宋 恭 禮 劉 傑



謝景山 吳子襄 駱復 冷源

梅澤 陶允 李景元 李補

韓宗堯 卓厚 張祖梁

毛滂 舊編云毛滂字澤民元符二年為武康令慈受惠

下政平訟簡時旁邑多歎難武康豐穰公餘多暇尋訪山

水發諸文章蘇公軾嘗以文章與麗可備著述科薦之及

見餘英志邑之亭館多所剏建遊覽篇詠並在東堂集

樂倚 馬弼 李恇 陳惟中

齊敷復 許觀光 畢冲 朱容

范鎔 趙子翼 莊必強 莊瑋

鍾燮 餘英志云建炎兵火云堂悉為煨燼紹興二年鍾

燮為令始復營建重門之內有勅書積廳事之東有室曰

公主明於西園池上建請心堂即毛令漁磯鶴巢之地也

朱芑 陳泰初 湯穆 范晉

李衡 劉坦 曾悌 郭如薇

薛居實 曹絳 湯駿 張端友

許峻 趙師旦 王緯 蔡霖

張崇 韓亞卿 何佺 程



程九萬 餘吳志云下車未幾首訪儒士凡所施設動可  
觀仰色有頑民與奸胥為囊橐盜占縣治地以圍市利乃  
籍其姦賊繩之以法縣以肅清秩滿攀錢追送閣卷為空  
在邑所作詩章餘百篇號松桂林集又和毛東塘題詠邑  
人編為毛祖唱和錄

辛世德 魏中復 丁大聲 魏剛中

趙崇規 馮多祉 徐逢 趙崇規

### 德清縣

德清縣置自唐天寶以來題名不立見於柳文者柳察躬

見於放生池碑者范銘見於詩詠者有喻鳧而已宋朝慶  
歷壬午歲縣令劉景始刻石自太平興國三年吳越納土  
後至康定元年次其姓名龕諸壁校書郎後為記後相續  
不絕今悉載於後

唐慶澄 吳興志 廣德元年表晁賊傾陷浙右本縣人朱  
泚沈皓舉亡命之衆歷之一年刺史獨孤問俗使將軍辛  
敬順于金鷺山築城守其寇路沈皓殺洞中賊黨以降七  
月左衛共曹參軍慶澄兼武康德清二縣令安集之  
范銘 乞御書放生池碑顏真卿撰德清令范銘



柳察躬按柳宗元先侍御神道表父察躬湖州德清令  
世德孝廉又曰天寶遇亂奉德清君夫人隱王屋山察躬  
為令時當天寶年間也

喻鳧建州刺史李頻送喻鳧赴德清令詩棹返雪溪去  
仍參舊史君州傳多古迹縣記有誰文水柵橫船閉湖田  
立木分但如詩思苦為政即超羣

宋劉楚金太平劉廷敏孫諒王璠王璠

劉世昌張維王平杜惟明

劉洞馬用王符蘇昂

符居簡楊知保王子昂孫汝弼

陳範虞初昌竇充潘約禮

劉景江觀劉觀苟師禮

蔣翔黃長裕郭真師韋肅

文勸梁昉陳之老徐良肱

曹庠孫載陳恙聞人虎

楊規李樞魏與宗鮑胡懋

侯綬方揚毛國寶曲華萃

梁仲衍樓彥明



王毅 山東人知政和二年為令是時枯貢茶租甚嚴德清  
山間茶最盛使盡剪伐民初雖不信委曲勸諭以謂茶可  
復種茶租一土則為子孫之害至今德清茶租最輕金鵞  
山下藕有旨責貢取以為獻而不緘封至京色味俱變遂  
不復再取其愛民類如此

趙岫 字景東清獻公猶子宣和元年為令庚子冬責溪  
盜起破郡邑人駭散岫獨留縣發倉廩招集貧民團聚保  
甲戡自嘉禾犯境岫邀繫之擒其將二人獲兇徒二百餘  
人器械千餘級數百縣賴以全邑人立生祠于乾元寺

李登

俞佚

趙子談

向子廉

趙子瑗

黎詔

楊鉸

沈造

劉嘉成

沈彬

王書鑄

高公渚

陳探

徐現

趙以

俞汝翼

范直大

葉榮

管銳

向子儼

趙不比

孫易簡

葉沆

章濯

胡澄

趙希迪

沈杞

楊思濟

李桐

王銑

朱欽則

舒烈

陳粵

陳庶

呂鏗

單端士



黃之仁

安吉縣

安吉縣自漢中平以來其令長見于史傳者絕無而僅有考之統記有計豪姚翊宋書有蕭鸞唐以來考之碑記大歷中放生池石刻有楊宥曹交謏宋朝碑刻天聖中有中大夫行國子博士上護單尹熙古又有狄遵禮胡穆劉望胡浚明當有可錄者散落不得而書自唐邁以後至於今得二十人具列於後

吳姚翊 安吉令

晉計豪 安吉令

宋蕭鸞 字景栖宋泰豫元年為安吉令有嚴能之名即

齊明帝也

梁徐整文 故鄣令

周弘政 梁安吉令

施紘 梁故鄣令

唐楊宥 顏真卿放生池碑安吉令楊宥

曹友謏 曹友謏見上

宋尹燕古

狄連禮

胡穆

劉望



胡浚明古

唐邁

強徽

王抑

呂文靖

韓良胄

趙伯耆

范晉

張庭筠

徐良能

呂正己

韓磊

李時澤

安昂

曾崇

錢宥之

趙師行

趙令楹

黃敷忠

褚意

韋望

趙師恩

陳自修

吳益

莫若冲

張杰

趙彦滄

葉松

趙不汗

晉書



吳興志卷十五



宋談鑰撰



著姓

姓之有望生於緒放之蕃而別其地也古者因生賜姓胙  
土命氏漢鄧氏應氏有氏族篇纂叙世繫至晉賈弼撰姓  
氏簿始附之州郡宋王儉廣其書東南諸族具焉吳興郡  
著姓之說率根源於是歷數百千年時有升降閱有盛衰  
若不可一槩定然攷之太平寰宇記李宗諤圖經王曾圖  
志及續圖經等書述地理而叅譜學者皆言姚沈丘鈕長



城曰錢胥今故叙四姓著於鄉之繇而長城之錢附焉至  
他姓之有顯赫者則有古今史編及姓氏諸書在  
姓姚出自虞帝生于姚墟因以為姓春秋時鄭大夫姚句  
耳姚般其後也漢有青州刺史恢尚書左僕射皓吳有太  
常卿信晉有九江太守渠墓皆在郡境有碑碣存姚姓其  
來也遠居吳興亦久矣姓氏書謂王莽封田豐奉舜祀豐  
子恢避莽亂過江居吳郡改姓為媯五世孫敷復改姓姚  
始居吳興武康未必然也敷生信即吳太常卿著昕天論  
者信子寧浦太守陶陶子太傅奮奮六世孫僧坦隋開府

儀同三司生二子察最察隋太子內史舍人生思廉最隋  
蜀王友生思聰自晉至梁尤多顯人藏為散騎常侍宣業  
為吳興郡公武韞璿壽欽定祥六人皆至給事中他可槩  
見宣業之四世孫崇相明皇崇傳云陝州人陝州之族出  
於武康思廉之孫璿相武后思廉傳云父察自吳興遷京  
兆遂為萬年人京兆之族亦出於武康獨最與思聰墓在

武康石城山今之居吳興者皆秘書少監思聰後也舊圖

漢九江太守姚渠墓在烏程縣南六十里吳秦州刺史志  
在州南十四里統記載後漢青州刺史恢尚書左僕射皓  
吳太常卿信墓並在武康縣西南三里石城山碑碣並存  
後周開府儀同三司僧坦陳吏部尚書察隋蜀王司馬最



唐秘書少監思聰墓亦在焉統記又載信子陶吳寧浦太守陶子奮太傅晉之藏至散騎常侍武韞與梁之璿壽文祥欽凡六人皆至給事中吳之泰憲翊晉之向選康梁之過逋緒茂皆為縣令並武康人按姓氏書姚出于虞帝生于姚墟因以為姓春秋時鄭大夫姚句耳姚般其後也初陳公滿封於陳裔孫共仲奔齊為陳氏又為田氏齊亡居魯至王莽封田豐為代睦俠以奉舜祀豐子恢避莽亂過江居吳郡改姓為偽五世孫敷復改姓姚居吳興武康數生信吳選會尚書八世孫僧坦隋開府儀同三司北隆二二子察最察隋太子內史舍人襲公最蜀王友察生思廉唐脩大館學士生橙生疇相武后最生思聰至八世孫太僕主簿陝郡姚氏亦出自武康梁征東將軍吳興郡公宣業生安仁安仁生祥祥生懿懿生元之元素元之名崇相明皇生彛忌奕元素生介滿纂孫九人曾孫二十人四世孫七人五世孫五人世所謂武功姚者南史姚察傳吳興武康人吳太常卿信九世孫父僧以子思廉唐書姚思廉傳察之子陳亡察自吳興遷京兆遂為萬年人孫璿姚崇傳陝州陝石人父懿

沈姓臺駘之後或曰聃李食菜於沈姬姓後也春秋有沈子國即汝南平輿沈亭是也沈滅其後子孫因國為氏秦末有沈逞召為丞相不就逞之曾孫漢封為竹邑侯竹邑侯之十世孫戎後漢初說降劇賊尹良光武封為海昏侯不就避地徙會稽烏程之餘不鄉遂家焉死葬于金鵝山戎生尚書令鄴鄴生河間相景仲高景生荊州刺史彥演之慶之曇慶懷文其後也仲高七世孫延晉潁川太守始居縣之博陸里餘烏村田子林子與約其後也統記又載沈氏先賢傳諸書云沈戎子孫見史傳者一百五十八人



三十八人有正傳一百二十人附傳宋梁陳間皇后三人

尚主者五人唐有君亮相武后彦之裔孫曰傳師而睿真

太后亦曰吳興人至今人物視三姓為盛云南史沈約字

康人自叙曰沈臺駘之後沈子國汝南平輿沈亭是也春

秋時列於盟會魯昭公四年晉使蔡滅沈其後因國為氏

秦不有沈逞徵丞相不就漢初逞曾孫保封竹邑侯保子

尊遷九江之壽春官至齊王太傅封數德使遵生驃騎將

軍遠達生尚書令乾生南陽太守弘弘生河內太守助

生御史中丞奮奮生將作大匠恪恪生尚書關內侯謙謙

生齊陽太守靖靖生戎光武封為海昏侯不受徙居馮程

之錄不鄉戎生三子鄴零陵太守仲高安平相景河間相

儀子曼慶之曇慶懷文其後也仲高子鸞鸞子直直子瑜儀

晉元命吳定陽侯曼子橋立武校尉晉長沙太守矯子陵儀

烏村延子賀南中郎恭軍賀子警警子穆夫穆夫陸里餘

龍驤將軍林子建威將軍宋封漢壽縣伯子璞嗣淮南太

守璞子約梁尚書令約子旅趨旋司徒右長史趨黃門郎

旋子實衆陳氏部尚書氏錄沈出自姬姓周文王第

干子册字食菜于沈汝南平興沈亭是也春秋成八年為

晉所滅沈子逞奔楚遂為沈氏曾孫諸梁號葉公曾孫郢

召為丞相不就楚遂為沈氏曾孫諸梁號葉公曾孫郢

邑侯生遵徒壽春遵生乾乾生承承生遂遂生倮左庶長恪

恪生謙謙生靜靜生戎後漢光祿勳以九江從事說降劇

賊尹長光武封為海昏侯辭不就因避地徙居會稽烏程

縣之餘不鄉遂家焉戎四子鄴懿齊恭鄴四子許仲高景

景生彦彦裔孫亮相武后統記載後漢述善侯戎墓在

金鵝山尚書令鄴荆州刺史彦河間相景墓並在焉晉吏

部尚書嘉太子詹事回墓在鳳凰山宋齊梁陳諸友墓並

在武康縣又載沈氏先賢傳後漢太山太守霸丹陽太守

裕又去沈戎子孫見史傳者一百五十八人三十八人

正傳一百二十人附傳宋陳至唐四皇后宋朝宣太后陳

文帝皇后後主皇太后及唐睿真太后陳朝尚主者五人

文尚會稽長公主遵禮尚安康公主繕尚義興公主脩智

理尚會稽長公主遵禮尚安康公主繕尚義興公主脩智

理尚會稽長公主遵禮尚安康公主繕尚義興公主脩智

理尚會稽長公主遵禮尚安康公主繕尚義興公主脩智



尚湘安公主規尚智平公主按沈約自叙其家世與班固揚雄自叙之體同宜其視姓氏諸書泛述者必精確而謂楚使蔡滅沈在魯昭公四年今左傳載昭四年楚子沈子會于申又因伐吳明年又同伐吳則沈之滅安得在四年也以其顯顯者差齟如此則其他亦未必皆可信姓氏錄謂沈之滅在成八年其失又遠矣又世繫載在諸書者多不同今悉存之

邱姓系出齊太公封于營丘二十八代孫公子高遂氏其後弱為邾國大夫明為魯國左史漢平帝時有名俊者持節安輯江淮屬王莽篡位遂留江左居吳興烏程後漢大司馬騰交州太守聰陽羨令昭吳晉陵太守傑宋尚書右丞泉之新安太守道護建安太守道成梁黃門侍郎暹雜

見於王儉姓系元和姓纂諸書者不一而騰傑遲泉之道護墓又俱在郡境信其為俊後也南史載冠先奉使不屈死于胡虜傑居喪盡孝感夢授藥靈鞠以文章顯仲孚以政事聞系緒雖不詳可以為著姓矣唐元和中葬麻谷

者左散騎常侍為與撰墓碑碑今存焉烏程縣麻谷有吳

年製左散騎常侍立為撰云太公封營丘二十八代孫公子高遂氏其後弱為邾國大夫明為魯國左史為之作必有所據則左丘明蓋姓丘而官為左史也元和姪纂曰齊太公封于營丘子孫以地為姓世居扶風左氏傳有邾大夫丘弱漢平帝時有丘陵待節安撫江淮屬王莽篡位遂留江左居吳興烏程唐正觀初有將軍丘師利又丘為蘇州嘉興人事在藝文志舊圖經烏程縣有後漢大司馬丘騰墓在縣西十八里吳晉陵太守傑墓宋尚書右丞泉之



墓在西北十里南郡太守道護墓在南十八里梁黃門侍郎遲墓在縣南十六里統記載後漢交趾太守聰陽羨令昭魯新安太守條陽侯道護建安太守道成又載王儉姓系有漢正騰晉散騎常侍詢駙馬都尉敬祠部郎中裕給事中夷宋書有吳郡太守泉之及齊季彬並烏程人南史冠先傑見孝義傳靈鞠遲見文學傳冠先有子曰惟重鞠之父秘書監系父護軍長史道真子遲從孫仲孚皆烏程人

鈕姓不詳得姓之孫漢有關內侯馥而冲充皆以牧守襲爵其為姓舊矣又有名綽者東漢荆充青三州刺史衡九真太守詳富春侯淑吳尚書令臨水侯瑒晉察孝廉襲臨水之封戶胤東遷侯淑及宋御史中丞滔墓皆在郡境淑侯封臨水歿葬烏程信為吳興人瑒循嗣侯滔墓同境必

其後也馥冲衡綽名見吳興記王儉姓系錄為淑之先亦無疑矣吳景帝有鈕后陳武宣章后本亦鈕姓父景明追封廣德侯族兄洽中散大夫以二后五侯之族其為著姓宜矣吳興記載王儉姓系云鈕馥字元芳漢封闕內侯冲襲闕內侯綽字君弘荆充青三州刺史衡字元平九真太守詳字子明富春侯食千戶淑字仕叔吳尚書令臨水縣侯食一千五百戶瑒字彥真晉察孝廉後封臨水侯食一千五百戶循字元嗣中散大夫新昌太守東遷侯食千戶南史陳武宣章皇后本姓鈕文景明為章氏所養景明梁散騎侍郎後贈持進金紫光祿大夫追封廣德侯親屬無在朝者惟本族兄洽官至中散大夫姓氏書止載吳興鈕滔云東晉人以及宋開封鈕氏大理寺丞約舊圖經曰吳中書令鈕淑墓在烏程縣西一十里宋御史中丞滔墓在烏程縣東十四里統記載吳興記吳景帝鈕皇后父



墓卞山因開青塘又顏真卿石柱記云吳景帝鈕皇后葬卞山

錢姓出于大彭彭祖其後也以錢為氏彭祖四十三代孫

漢諫大夫錢林始居縣之梓山林孫敞敞孫咸咸曾孫讓

讓七代孫彌彌十三代孫纂纂墓皆在縣石柱題誌存焉姓

氏云讓避王莽亂徙居烏程者非也晉宋及陳世有王侯

牧守將軍甚眾衣冠之盛如此而陳昭皇后亦為錢氏宜

為長城著姓之孫季為周錢府上士因官命氏焉戰國有

隱士丹秦御史產居下邳西京雜記有會稽人勃漢哀平

間有襄為廣陵太子避王莽亂徙居烏程生晟又東晉青

州刺史端歷陽太守鳳裔孫樂之宋太史令居長城故望

出吳興宗吳越錢氏本杭州臨安人統記後漢富春公錢

讓墓在長興縣西五里字德高吳郡烏程人後為散騎常

侍累遷徐兗二州刺史封富春侯食邑五千戶贈富春公

謚曰哀吳廬江太守盛墓在縣北五里振盛將軍墓在

縣西五里晉龍驤將軍端墓在縣西四里大將軍廣墓在

縣西二里又有太子太傅迪始興天師穆東遷縣侯龍冠

軍將軍端步兵校尉岳伏波將軍詳陳定遠將軍開國侯

肅衣陽侯玄智臨海太守遷隋鍾離守季卿開府儀同三

司謹承安侯道職唐侍御史政舊編云錢氏系出大彭錢

鑑所封所謂彭祖也其後以彭為氏鏗四十三代孫漢諫

議大夫錢林始末長城之梓山子孫因居焉長城陵墓陳

昭皇后錢氏陵曰嘉陵彭祖四十五代孫錢敞四十七孫

咸五十一代孫讓五十七代孫彌六十三代孫墓及晟端廣

墓皆在長城詳見

長城縣後墓下

右長興著姓太平寰宇記李宗諤圖經王曾九域圖

志皆曰長興著姓二曰錢曰胥胥姓攷之古今史傳



圖志系譜在吳興者無一人焉豈傳寫筆誤乎

賢貴事實

陳高祖武皇帝諱霸先吳興長城下箬里人姓陳氏漢太  
正長實之後也六世孫達永嘉南遷為長城令悅其山水  
遂家焉嘗謂所親曰此地山川秀麗當有王者興焉二百  
年後我子孫必鍾斯運達生康為丞相祿咸和中土斷故為  
長城人康生盱眙太守英英生尚書郎公弼公弼生步兵  
校尉鼎鼎生散騎侍郎高高生懷安令詠詠生安成太守  
猛猛生太常卿道巨道巨生皇考文纘帝少倣儻有大志

長於謀略意氣雄傑不事生產及長涉獵史籍好讀兵書  
明緯侯孤虛遁甲之術多武藝明達果斷為當時推服身  
長七尺五寸日角龍顏垂手過膝嘗遊義興館於許氏夢  
天開數丈有四人朱衣捧日而至納之帝口及覺腹內猶  
熱帝心獨喜帝常獨坐堂室有神光之異梁新喻侯蕭映  
為廣州刺史帝以為中兵參軍尋轉為高安太守以交州  
李贲僭稱天子映遣帝平之梁武嘉馬即除直閣將軍太  
清二年侯景反乃率眾赴援遂受梁禪即位後改梁太清  
二年為永定元年國號陳在位三年崩年五十七帝雄武



多英略性甚仁愛及居阿衡恒怕崇寬簡雅尚儉素常膳不  
過數品私饗曲宴皆瓦器蚌盤肴核度羞裁令充足不為  
虛費初平侯景及立景帝子女玉帛皆班將士其充闈房  
者衣不重采飾無金翠聲樂不列於前踐祚之後彌厲恭  
儉故能隆功茂德光于江左清  
世祖文皇帝諱清舊始興昭烈王之長子也少沉敏有識量  
美容儀留意經史武帝甚愛之常稱吾家英秀梁太清初  
帝夢兩日闕一大一小大者光滅墜地色正黃其大如斗  
帝三分取一懷之武帝崩即位改元天嘉在位七年崩帝

起自布衣知百姓疾苦國家資用務從檢約儉妙識真偽下  
不容姦一夜內刺閨取外事分判者前後相續每雞人伺  
漏傳籤于殿中者今後籤于階石上鎗然有聲云吾雖得  
眠亦令驚覺其自強若此

廢帝諱伯宗文帝嫡長子也文帝崩即位改元光大帝柔  
弱無人君之器在位三年廢

高宗孝宣皇帝諱頊始興昭烈王第二子也生有赤色滿  
室少寬容多智略及長美儀身長八尺二寸垂手過膝有  
勇力善騎射廢帝廢及即位改元太建在位十四年崩帝



之在 本有恢弘之度及居尊位實允天之應於時國步  
初弭瘡痍未復淮南之地並入于齊帝志復舊境意反侵  
地強弱之形理則懸絕犯斯不避適足為禽及周兵滅齊  
乘勝而舉略北還至江際自此懼矣

後主諱叔寶宣帝嫡長子也宣帝崩即位改元至德在位

七年降隋

以上陳朝五主  
共三十三年

衡陽獻王昌字敬業武帝第六子也昌容貌偉麗神情秀  
朗雅性聰辨明習政事讀書一覽便講明於義理剖析如

流

永定元年即位立為皇后武帝崩定策立文帝及即位尊為  
皇太后宮曰慈訓廢帝即位為太皇太后光大二年下令

黜廢帝命宣帝嗣立太建二年崩謚曰宣

陳文帝沈皇后南史本傳諱妙容武康人父法深梁大同

中歸文帝文帝為吳興太守屬侯景作亂帝與后悉為景

所收及景平高祖錢祚永定元年后為臨川王妃文帝即

位為皇后廢帝即位尊為太皇太后宮曰安德

陳後主沈皇后南史本傳諱婺華武康人父君理母即武

帝女會稽穆公主早亡后尚幼而毀瘠過甚為皇太子妃



後主即位為皇后后性端靜有識量寡嗜慾聰敏強記獵  
涉經史上書翰父君理卒居憂處別殿哀毀踰禮時張貴  
妃有寵后澹然未嘗有所忌怨身居儉約衣服無錦綉之  
飾唯尋閱圖史及釋典為事遇歲早早自暴而誦經應時雨  
降數上書諫後主

唐代宗睿真沈皇后唐書本傳吳興人開元末以良家子  
入東宮太子以賜廣平王實生德宗天寶亂失后所在代  
宗立以德宗為皇太子詔訪后在亡不能得德宗即位乃  
先下詔贈后曾祖士衡太保祖介福太傅父易直太師弟

南陽忠壯王休先武帝姊弟也子曇朗孫方慶襲封南  
始興昭烈王道談武帝兄也仕梁為東宮直閣將軍侯景  
之亂援臺中流矢卒生文帝及宣帝

鄱陽王伯山字靜之文帝第三子也偉容儀舉止間推喜  
愠不形於色性寬厚又於諸王最長後主深敬重之每朝  
廷有冠婚饗宴恒使為主及遭所生憂居喪以孝聞後主  
謂群臣曰鄱陽王至性可嘉

始興王伯茂 新安王伯固 晉安王伯恭 衡陽王伯  
伯 廬陵王伯仁 江夏王伯義 武陵王伯禮 永陽



王伯智 桂陽王伯謀 以上文帝諸王文帝十三男一人為廢帝二人早卒封王者十人

岳陽王叔謹字子敬宣帝第十六子也少聰敏十歲能屬

文出為湘州刺史加都督及隋師濟江遣人詐奉降書於

暉叔謹伏甲待之暉入伏兵發縛暉等以狗皆斬之

始興王叔陵 豫章王叔英 長沙王叔堅 建安王叔

卿 宜都王叔明 河東王叔獻 新蔡王叔齊 晉熙

王叔文 淮南王叔彪 始興王叔重 尋陽王叔儼

義陽王叔達 巴山王叔雄 武昌王叔虞 湘東王叔

平 臨賀王叔敷 陽山王叔宣 西陽王叔穆 南安

王叔儉 南郡王叔澄 沅陵王叔興 岳山王叔韶

新興王叔純 巴東王叔謨 臨海王叔顯 新會王叔

坦 新寧王叔隆 新昌王叔榮 太原王叔斤 以上宣

宣帝四十二男一人為後主八人未及封三子早卒無名封王者三十人太子孫

吳興王循 南平王蒨 永嘉王彥 南海王虔 信義

王祗 邵陵王兢 會稽王莊 東陽王恮 吳郡王藩

錢唐王恬 以上後主諸王後主二十二男十

永脩侯擬 本傳武帝疎屬

右隋朝帝 並見南史



宋明宣沈太后吳興統記云武康人沈氏為文帝美人生  
明帝為婕妤明帝即位追尊皇太后按本傳諱容姬不知  
何許人謚曰宣統記必有據

梁文宣阮太后吳興統記云武康阮氏梁典云后本姓石  
氏諱令羸父靈寶寓居武康后有美色武帝拜脩容賜姓  
阮氏元帝即位追崇文宣太后梁陳故事武康阮公溪石  
靈寶上虞人嘗寓居其女有妹色天監元年選為露乘轉  
采女及生元帝拜脩容賜姓阮拜靈寶為朝請時人名其  
所居溪曰阮公溪靈寶以承聖二年封武康侯漢有大青

石俗謂之美人石今存按南史本傳云會稽餘姚人在孕  
夢龍罩其床生元帝父靈寶武康縣侯寓居武康信矣

陳武昭錢皇后長城人父曰仲方武帝先娶后早卒及武  
帝即位追尊曰昭皇后南史陳紀永定元年武帝即位追  
尊前夫人錢氏為昭皇后陵曰嘉陵章皇后傳云武帝先  
娶同郡錢仲方女蚤卒後乃聘后舊圖經云嘉陵在縣北  
五里陳高祖錢皇后陵也而統記乃云陳高祖追尊皇妣  
錢氏為昭皇后舊編因其誤又謂嘉陵為高祖母錢氏其  
史甚矣按陳紀辛巳追尊皇考曰景皇帝廟號太祖皇妣



董氏太夫人曰安皇后前夫人錢氏為昭皇后癸未尊景  
帝陵曰瑞陵昭皇后陵曰嘉陵遂承上皇妣字以致此誤  
妹不知既以母為太夫人妻為前夫人分陵為二辭意明  
甚又章后傳述武帝先妻錢氏其不思亦甚矣  
陳武宣章皇后南史本傳諱要兗烏程人亦姓鈕父道勇  
幼為章氏所養因改焉后母蘇氏嘗遇一道人以龜與之  
光彩五色曰三年有徵及期后生而紫光照室因失龜所  
在后少聰惠美容儀手爪長寸並紅白每有暮功之服則  
一爪先折善書計能誦詩及楚詞武帝聘后為夫人後永  
易良司空易直子震太尉一日封拜百二十七人詔制皆  
錦翠池飾以廐馬負載賜其家建中元年乃具冊前上皇  
易后尊號分遣諸沈行州縣物色咨訪故中官高力士女  
頗能言集禁中事年狀差似后於是迎還上陽宮馳以聞帝  
喜群臣皆賀力士子知非是其言其情詔貸之帝謂左右  
吾寧受百周冀一得真於是自謂太后者數矣及索驗皆  
辭窮終帝世無聞焉

以上后七人

陳宣帝妃錢氏南史后妃傳云吳興人宣帝居鄉里先娶



錢氏及即位拜貴妃甚有寵

陳宣帝妃吳氏統記云吳興人生武成公主後主即位尊為太妃

隋煬帝妃陳氏統記云陳後主第四女母高昭儀封唐德公主

唐太宗賢妃徐氏唐書本傳太宗賢妃徐惠湖州長城人  
生五月能言四歲通論語詩八歲自曉屬文父孝德嘗試  
使擬離騷為小山篇曰仰幽巖而流盼擬桂枝以凝望將  
千齡兮此遇荃何為兮獨往孝德大驚知不可掩於是所

論遂盛傳太宗開之召為才人手未嘗廢卷而辭致贍蔚  
文無淹思帝蓋禮顧擢孝德水部員外郎惠再遷充容貞  
觀末數調兵討定四夷稍稍治宮室百姓勞怨惠上疏極  
諫且言地廣者非常安之術人勞者及易亂之符又言有  
道之君以逸逸人無道之君以樂樂身技巧為喪國斤斧  
珠玉為蕩心醜毒復為詩連珠以見意永徽元年卒年二  
十四贈賢妃陪葬昭陵石室惠之弟齊暉齊暉之子堅皆  
以學聞女弟為高宗婕妤亦有文藻世以擬漢班氏

前秦以上妃四人



隋秦王嬪陳氏統記云長興人陳後主第五女謝昭儀生  
封臨成公主

十四嬪一人

隋文帝夫人陳氏統記云長城人宣帝第十四女母施氏  
太妃後主封寧遠長公主  
隋文帝弘政夫人陳氏統記云長城人宣帝第二十四女  
母曾美人即後主之妹封臨川長公主按南史隋文帝宣  
華夫人陳氏陳宣帝女也性聰慧姿貌無雙不言第幾女  
未知孰是

以上夫人二人

唐高宗婕妤徐氏唐太宗賢妃惠妹也賢妃傳云弟齊聃  
齊聃子堅皆以學聞女弟為高宗婕妤亦有文藻世以擬  
漢班氏徐齊聃傳云長城人也子堅姑為太宗克容仲為  
高宗婕妤耻以恩進統記作太宗婕妤誤矣

婕妤一人

梁武帝淑媛吳氏統記云長城人本東昏侯宮人入侍梁  
王生南昌王綜南史豫章王綜母吳淑媛在齊東昏侯宮  
及得幸於武帝七月而生綜



淑媛一人

晉宣帝太妃施氏統記云安吉人生寧遠公主位太妃

右歷代后妃妃嬪自唐徐氏有傳外餘雖有雜出諸傳  
高者始末不詳統記之言當有證今並登載

錢林統記云字元茂彭祖四三代孫也漢建平中之為諫  
議大夫元始中王莽專政來隱于平望鄉陂門里梓山東  
造村穿巷開陌俾水陸交通層屋背山高門面水疎桐映  
井蜜竹臨池松桂傳芳芝蘭送馥洞藪園林幽遠蒙密林

居其中名利不奸子孫因家焉

沈戎南史云初為九江從事說降劇賊尹良光武封為海  
昏侯辭不就徙居會稽烏程縣餘不鄉遂家焉戎後為述  
善侯葬金鵝山宋元嘉三年戎八代孫司空慶之吏部尚  
書曇慶五兵尚書懷明左光祿大夫孟暹等奏讀過江始  
祖宅為寺文帝以為述善侯有功于人同懷其德因以懷  
德名寺

正騰元和姓纂云平帝時有正俊持節安撫江淮屬王莽  
篡位遂留江左右吳興烏程王儉性系云正騰光武初起



禮於南陽歷公卿二千石退栖舊鄉乃于先人故營與其  
弟子築城而居吳興統記云大司馬王騰墓在烏程縣南  
六里又列於儒學類

錢讓統記云字德高彭祖五代孫也吳興烏程人時吳  
郡太守薛固爲法吏所枉下獄付廷尉乃攜同郡婁縣下  
崇詣闕稱寃廷尉囚讓等以兵人圍守苦毒持之讓恬然  
自若枉聲彌厲天子聞子奇而赦固之罪累遷散騎常侍  
廣陵太守鎮東大將軍都督九江諸軍事遷徐兗二州刺  
史封富春侯食邑五千戶卒年六十二贈富春公謚曰哀

天子素車臨弔哀慟給兵史一十人加威儀還葬本鄉賜  
錢十萬黃金百鎰錦被十張與讓母趙氏統記云墓在長  
興縣西五里又云謝承後漢書云桓帝時也

費汎費府君碑云字仲慮此邦之人也其先李文為魯大  
夫有功封費因氏為姓秦項兵起避地于此遂留家焉府  
君以孝友至行聞於鄉邑任更郡右譽謬質直在公履法  
察孝廉除郎中屯騎司馬遷蕭令視民如子先教後罰在  
位九年百姓移風苛慝不作姦寇不發慶增怨銷推讓道  
生三年不斷獄禎祥感應時沛有蝗獨不入界由此顯名



國以狀聞朝廷嘉諸拜梁相二子鳳由宰府至堂邑令政  
九江太守

費鳳字伯簫梁相之元子言不失典術行不越矩度踐郡  
右職三貢獻計辟州試部忠以衛上漢安二年吳郡太守  
東海君以君有透蛇之節自公之操年三十一舉孝廉拜  
郎中除陳國新平長後宰堂邑熹平六年七月卒鳳退已  
進弟不營榮祿祖業良田畝直一金推與弟息行儀高邵  
沈瑜沈儀統記云烏程人也俱少有至行瑜十歲儀九歲  
而父亡居喪毀瘠過于成人外祖會稽盛孝章名士也每

撫慰之曰汝並黃中英爽終成奇器何遽逾制自取滅性  
耶瑜蚤卒儀篤學有雅才以儒素自業時海內大亂經術  
廢弛士少全行而儀淳深隱默守道不移州府禮請二府  
交辟公車並召不屈以壽終續圖經曰當漢末未置郡  
烏程縣提封稍廣沈氏所居餘不鄉屬今之德清今繫烏  
程則失實附德清則難以預名故載之于郡許熙統記云  
故鄣人也熙父患惡疾醫生以為啖人肉可差頤即割兩  
股羹以遺父月餘果差刺史周澤奏旌表門閭

右漢人漢末置郡特有烏程故鄣縣而已故名賢見



於諸史者沈喻沈儀曰烏程人許願曰故彰人沈戎  
曰會稽烏程人錢讓曰吳郡烏程人者自秦以來烏  
程屬會稽永建以後始析會稽為吳郡烏程屬焉讓  
永建以後人也錢林居梓山今梓山在長興費況曰  
此邦之人者况鳳父子共有三豐碑舊在烏程界村  
落歐陽公集舌錄等書俱錄碑今在墨妙亭洪氏隸  
釋云在吳興校官廳壁誤也碑在本郡况鳳為本郡  
之人信矣統記又載鈕姓馥冲充皆為關内侯綽荆  
充青三州刺史衡九真太守詳富春侯出王儉姓系

沈姓彦荆州刺史霸太山太守裕丹陽太守出沈氏  
先賢傳正聰交趾太守昭陽羨令姚祇日南太守施  
咸魏郡太守俱漢時人今故附見又舊經諸書多以  
隸烏程抑不考漢之烏程尚東長城武康界况德清  
歸安又續分者乎今故以時代為別  
吾粲吳志云字孔休吳郡烏程人也孫河為縣長粲為小  
吏河深奇之河後為將軍得自選長史表粲為曲阿丞遷  
為長吏治有名迹雖起孤微與同郡陸遜十靜等此肩齊  
聲矣孫權為車騎將軍召為主簿出為山陰令還為參軍



校尉黃武元年與呂範賀齊等俱以舟師拒魏將曹休於  
河口值天大風諸般綆紲斷絕漂沒着岸為魏軍所獲或  
覆沒沈溺其大船尚存者水中生人皆攀緣號呼他吏士  
恐船傾沒皆以戈矛撞擊不受粲與黃淵獨令船人以承  
取之左右以為船童必敗粲曰船敗當俱死耳人窮奈何  
棄之粲淵所活者百餘人遣遷太子太傅遭二官之變抗  
言執正明嫡庶之分欲使魯王霸出駐夏口遣楊竺不得  
今在都邑又數以消息語陸遜令時駐武昌進表諫爭由  
此為霸竺等所譖害續圖經曰粲孫權時人未置郡故自

寶鼎二年以前皆載於郡以後事並見吳志

徐詳字子明烏程人孫權為車騎將軍君興侍儀胡綜俱  
典軍國密事魏拜權為吳王詳為亭侯吳志評曰侍儀徐  
詳胡綜皆孫權之時幹興事業者也儀清洛正素詳數通  
使命綜文采才用各見信任譬之廣廈其棟椽之佐乎

朱治字君理丹楊故鄣人也勸策還平江夏黃武元年封  
毗陵侯領郡如故二年拜安國將軍金印紫綬徒封故鄣  
權歷位上將及為吳王治每進見權常親迎執版交拜饗  
宴贈賜恩敬特隆至從行吏皆得奉贄私覲其見異如此



權常歎治憂勤王事性儉約雖在富貴車服惟供事權優  
異之自令督軍御史典屬城文書治領四縣租稅而已是  
時丹楊深地頗有姦叛治亦以年向老思戀上風自表屯  
故鄣鎮撫山越諸父老故人莫不詣門治皆引進與共飲  
宴鄉黨以為榮在故鄣歲餘還吳黃武三年卒  
朱才字君業治之子也為人精敏善騎射權愛異之常侍  
從游戲少以父在為武衛校尉領兵隨從征伐屢有功捷  
本部議者以才少處榮貴未留意于鄉黨才乃歎曰我初  
為將謂跨馬陷敵當身履鋒足以揚名不知鄉黨復追迹

其舉措乎於是更折節為恭留意于賓客輕財尚義施不  
望報又學兵法名聲始聞於遠近

朱然字義封治姊之子本姓施氏年十九後為山陰令加  
折衝校尉督五縣權奇其能令丹陽為臨川郡然為太守  
授兵一千人會山賊盛起然平計旬月而定呂蒙病篤權  
問曰卿如不起誰可代者蒙對曰朱然膽守有餘愚以為  
可任蒙卒權假然節鎮江陵黃武元年劉備舉兵攻宜都  
然督五千人與陸遜并力拒備然別攻破備前鋒斷其後  
道備遂破走拜征北將軍封永安侯然長不盈七尺氣候



分明內行脩潔其所文采惟施軍器餘皆質素終日欽欽  
常在戰場臨急膽定尤過紀人雖世無事每朝夕嚴鼓兵  
在營者咸行裝隊就以此玩敵使不知所備故出轍有功  
諸葛瑾子融步騭子協雖各襲任權特復使然總為大督  
及陸遜亡本功臣名將存者惟然莫與比隆寢疾二年後  
漸增薦權晝為~~減~~膳夜為不寐中使醫藥口食之物相望  
于道然每遣使表疾病消息權輒召見口自問訊入賜酒  
食出送布帛自創業功臣疾病權意之所鐘呂蒙凌統最  
童<sup>童</sup>然其次矣朱績字公緒以父任為郎後拜建中都尉叔

父表績令其兵隨太常潘濬討五溪以膽力稱遷偏將軍  
營下督領盜賊事持法不傾魯王霸注意交績嘗至其廨  
就之坐欲與結好績下地位立辭而不當然卒績業拜平  
魏將軍樂鄉督  
姚信吳興武康人也深於天文學士至太常造昕天論  
計昭王儉姓系云昭字叔明吳黃武中為車騎將軍至歸  
命侯荒暴廼隱居禺山晉宣帝徵召不起  
姚翁仲武慶人種瓜灌園以供衣食鄉里崇之號曰長者  
或有饋遺一無所受不得已而受即轉惠見吳書



右吳人吳寶昂中始置郡寶昂以前尚仍漢也故吾  
粲傳曰吳郡烏程人朱治傳曰丹陽故鄣人漢初平  
中始分烏程置永安晉太康中改曰武康吳有永安  
未有武康姚信曰武康人者蓋信為陳姚察之祖察  
武康人故因仍而言之耳統記又載鈕淑尚書令太  
史亨零陵太守太史淑中書侍郎丁固會稽郡公沈  
伯長秋卿姚奮寧浦太守俱吳時人今復附見  
吳商吳興故鄣人字彥聲太康三年分故障立長城縣因  
為長城人學通五經百氏徵為東宮校書郎四方學者擔

簞負笈不可勝數時人服焉歷官至侍中見統記  
王談南史云吳興烏程人也年十歲父為隣人竇度所殺  
設陰有後讎志而懼為度所疑寸亦不畜日夜伺度未至  
年十八乃密布利錘陽若耕耨者度常乘船出入經一橋  
下談伺度行還伏草中度既過談于橋上以錘斬之應手  
而死既而歸罪有司太守孔巖義其孝勇列上宥之巖請  
子為孫思無嗣談乃移居會稽修理巖父子墳墓盡其心  
力後太守孔廡奇其義行元興三年舉談為孝廉時稱其  
得人談不應召終於家以後事並見南史



潘綜吳興烏程人也孫恩之亂妖黨攻破村邑綜與父驃  
共走避賊驃年父<sup>大</sup>行遲賊轉逼驃驃語綜我不能<sup>去</sup>汝走  
可脫幸勿俱死驃困乏坐地綜迎賊叩頭曰父年老乞賜  
生命賊至驃亦請賊曰兒年少自能走今為老子不去老  
子不惜死乞活此兒賊困<sup>因</sup>斫驃綜抱父子<sup>于</sup>腹下賊斫綜頭  
面凡四創綜當時悶絕有一賊從旁來相謂曰卿欲舉大  
事此兒以死救父云何可殺殺孝子不祥賊乃止父子並  
得免鄉人祕書監丘系祖廷尉沈赤黔以綜異行薦補左  
戶令史除遂昌長歲滿還家太守王韶之臨郡發教列上

州臺陳其行迹及將行設祖道贈以四言詩元嘉四年有  
司奏改其里為純孝里蠲租布三世

沈勁字世堅吳興武康人也父充為部曲將吳儒所殺勁  
當坐誅鄉人錢舉匿之得免其後竟殺讎人勁少有節操  
哀父死於非義志欲立勲以雪先耻年三十餘以刑家不  
得仕進郡將王胡之深異之及遷北平將軍司州刺史將  
鎮洛陽上疏曰吳興男子沈勁清操著於鄉拜<sup>印</sup>貞固足以  
幹事且臣今求文武士故吳興人最多若令勁奉臣府事  
者郡人既悅義附亦衆詔聽之勁既應命胡之以疾病解



職升平中慕容恪侵逼山陵時冠軍將軍陳祐守洛陽衆  
過二千勁自表求配祐効力因以勁補冠軍長史令自募  
壯士得千餘人以助祐擊賊頻以寡制衆而糧盡援絕祐  
懼不能保全會賊寇許昌祐因以救許昌為名興寧二年  
留勁以五百人守城祐率衆而東會許昌以沒祐因奔崖  
塢勁志欲致命欣獲死所尋為恪所攻城陷被執神氣自  
若恪奇而將宥之其中軍將軍慕容虔曰勁雖奇士觀其  
志度終不為人用今若赦之必為後患遂遇害恪還從容  
言於慕容暉日前平廣固不能濟群閭今定洛陽而殺沈

勁實有愧於四海朝廷聞而嘉之贈東陽太守子赤黔為  
大長秋赤黔子亦仕義熙中為益州刺史  
沈警字世明崇篤有行業後將軍謝安命為參軍甚相欽  
異警內足於財為東南豪士無進仕意謝病歸安固留不  
止還家積載以素自娛將軍王恭鎮京口後引為參軍手  
書勤懇苦相拉剝不得已而應之尋復謝去

沈田子吳興武康人也字敬光從武帝尅京城進平建鄴  
參鎮軍事封營道縣五等侯義熙十二年武帝北伐田子  
與順陽太守傅宏子各領別軍從武陽人屯據青泥姚泓



將自禦大軍慮田子襲其後欲先平田子然後傾國東出  
乃率步騎數萬奄至青泥田子本為疑兵所領裁數百欲  
擊之傳弘之曰彼眾我寡難可與敵田子曰師貴用奇不  
必在眾弘猶固執田子曰眾寡相傾勢不兩立若使賊圍  
既固人情喪沮事使<sup>便</sup>出矣及其未整薄之必尅所謂先人  
有奪人之志便獨率所領鼓譟而進賊合圍數重田子乃  
棄糧毀合躬勤士卒前後奮擊賊眾一時潰散所殺萬餘  
人得泓偽乘輿服御武帝表言其狀長安既平武帝讌于  
文昌殿舉酒賜田子曰咸陽之平卿之功也即以咸陽相

賞即授咸陽始平二郡太守  
沈林子字敬士田子第子少有大度年數歲隨王父在京  
口王恭見而奇之曰此兒王子師之流也嘗與貴人共見  
遺寶咸爭趨之林子直去不顧年十三遇家禍既門陷妖  
黨兄弟並應從誅而沈預家甚疆富志相臨滅林子兄弟  
沈伏山澤無所投厝會孫恩屢出會稽武帝致討林子乃  
自歸陳情率老弱歸罪請命乃流涕哽咽三軍為之感勤  
帝甚奇之乃載以別船遂盡室移京口帝分宅給焉林子  
博覽眾書留心文義從尅京城進平東<sup>色</sup>時年十八身長



七尺五寸沈預慮林子為害常被甲持戈至是林子與兄  
田子還東報讎五月夏節日至預政大集會子弟盈堂林  
子兄弟挺身直入斬預首男女無論長幼悉屠之以預首  
祭父祖墓武帝代姚泓泰征西軍事林子禦之連戰皆捷  
帝至閬鄉姚泓掃境內兵屯燒柳時田子自武關北入屯  
軍藍田泓自率大眾攻之帝慮眾寡不敵遣林子步自泰  
嶺以相接援北至泓已破走田子欲窮追進取長安林子  
止之曰往取長安如指掌爾復尅賊城便為獨平一國不  
賞之功也田子乃止林子威震關中豪右望風請附帝以

林子田子綏略有方類賜書褒美時武帝以方隅未靜復  
欲親戎林子固諫帝答曰合轍當不復自行帝踐位以佐  
命功封漢壽縣伯固讓不許永初二年卒  
邱昂晉書云昂字公表吳興人家貧好學不暇就業乃織  
屨以自給將之籛舍值鄰人盜刀潛步自匿專心儒行與  
其弟給事中夷太守矩並以孝術著名當時謂之三丘黃  
吳慶之晉書云慶之字文悅吳興烏程人也江夏王義恭  
召為西曹書佐不就義恭被誅慶之不肯仕終身蔬食後  
王蘊為吳興太守召為功曹亦不就



右晉人晉太康中始改永安為武康故沈勁沈田子  
傳曰武康人其他賢責自姚沈正鈕錢之著姓者附  
見各姓之下外有殷姓太子太傅迪始興王師上黨  
都尉躋丹楊尹融吳興太守康吳姓征虜將軍綜黃  
門侍郎楷多見統記諸書  
孫法宗南史云一名宗之吳興人也父隨孫恩入海溼被  
害屍骸不收母兄並餓死法宗年小流迸至十六方得還  
單身勤苦霜行草宿營辦棺槨造立冢墓送母兄儉而  
中禮以父屍不測入海尋求聞世間論是至親以血瀝骨

當悉凝浸乃操刀泐海見枯體則刻肉灌血如此十餘年  
臂脛無完皮血肉枯竭終不能逢遂哀經終身常居墓所  
山禽野獸皆悉馴附每麋鹿觸網必辭放之價以錢物後  
忽若頭創夜有女人至曰我是天使來相謝行創本不關  
善人使者遠相反取牛糞煮之即驗一傳便差一境賴之  
終身不要饋遺無所受以後事並見南史  
正傑吳興烏程人也十四遭喪以熟菜有味不嘗於口歲  
餘忽夢見母曰死止是分別耳何事乃爾茶苦汝噉生菜  
過蝦蟆毒蠶牀前有三丸藥可取服之傑驚起果得甌甌



中有藥服之下科斗子數升丘氏世保此甌大明七年灾  
火焚失之  
子數吳興故鄣人也生而母歿年十許歲求母遺物而散  
施已盡唯一畫肩乃緘錄之每至感恩輒開篋涕泗好讀  
道書能屬文高祖見而竒之以為世子中軍參軍數見引  
接苦願隱文有文入至曰亦文天也來味據在陰本不關  
沈懷文字思明吳興武康人也祖寂晉充祿勳父宣新安  
太守懷文少好玄理善為文章為楚昭王二妃記見稱于  
世為江夏王義恭東閣祭酒丁父憂新安郡送故豐厚奉

終禮畢餘悉班之親戚一無所留文帝聞而嘉之賜奴婢  
六人大明中入為侍中時游幸無度太后六宮常乘副車  
在後懷文與王景文每諫不宜亟出後因從坐松樹下風  
雨甚驟景文曰卿可以言矣懷文曰獨言無繼宜相與陳  
之江智深卧草側亦謂之善俄而被召俱入雉塲懷文曰  
風雨如此非聖人所宜景文又曰懷文所啟宜從智深未  
及有言上方注弩作色曰卿欲效顏竣耶又曰顏竣小浮  
恨不得鞭其面上每宴集在坐者咸令沈醉懷文素不飲  
酒又不好戲上謂故欲異已謝莊嘗戒懷文曰卿每與人



異亦何可久懷文曰吾少來如此豈可以朝而變非欲異  
物性之所不能耳懷文三子淡深沖今出類纂文素不  
沈沖字景綽涉獵文義仕宋歷位撫軍正佐兼記室及  
懷文得罪被繫沖兄弟行謝清哀貌苦見者傷之沖與兄  
淡深名譽有優劣世號為腰鼓兄弟淡深並歷郡史中丞  
兄弟三人皆為司直晉宋所未有也中丞按裁之職被惡  
者多結怨永明中深彈吳興太守袁彖建武中彖從弟昂  
為中丞到官數日奏彈深子續父坐儻白幘車免官禁錮  
沖母孔氏在東隣家失火疑為人所焚熱大呼曰我三兒

皆作御史中丞與人豈有善者方恐肌分骨散何但焚如  
沈曇慶懷文從父兄也父發員外散騎侍郎曇慶仕宋位  
尚書左丞時歲有水旱曇慶議立常平倉以救人急文帝  
納其言而事不行曇慶謹實清正蒞有稱續續常謂子弟曰  
吾處世無才能惟作大老子耳世以長者稱之卒於祠部  
尚書

沈叔任吳興武康人赤黔子也少有幹質朱齡石代蜀為  
齡石建威府司馬平蜀之功亞于元帥以功封寧新縣男  
後拜益州刺史卒子演之



沈演之年十一尚書僕射劉柳見而奇之曰此童終為令器沈氏家世為將而演之折節好學日讀老子百遍以義理業尚知名襲父別爵吉陽縣五等侯舉秀才為嘉興令有能名元嘉中加侍中上欲伐林邑朝臣多不同唯廣州刺史陸微與演之贊成上意及林邑平賜群臣黃金生口銅器等物演之所得偏多上謂曰廟堂之謀卿參其力平此遠夷未足多建茅上清舊都鳴鑿東岱不憂山河之不開也性好舉才申濟屈滯而謙約自持上賜女妓不受暴卒文帝痛惜贈金紫光祿大夫謚曰貞子睦位黃門侍郎

演之兄子坦之仕齊為都官郎坦之子顛

沈顛字處黔幼清靜有至行慕黃叔度徐孺子之為人讀書不為章句著述不尚浮華常獨處一室人罕見其面從叔勃貴顯每還吳興賓客填謁顛不至其門勃就之顛送迎不越閭勃嘆曰吾乃今知貴不如賤也顛內行甚脩事母兄孝友兄昂一名亦退素以家平貧仕為始安令兄弟不能相離相隨之任顛素不事家產及昂卒逢齊宋兵荒與家人并日而食或有饋其梁肉者閉門不受唯採蓴荇根供食以樵採自資怡然常不改其樂



沈憲演之從祖弟子也祖說道巴西梓潼二郡太守父璞  
之北中郎將叅軍憲少有幹局為駕部郎宋明帝與憲恭  
謂曰卿廣州刺史材也補烏程令甚著政績太守褚彥回  
歎美以為方圓可施少府管掌煩冗村幹者並更其職憲  
以吏能累遷少府卿武陵王暉為會稽以憲為左軍司馬  
齊高帝以山陰戶衆欲分為兩縣武帝啟曰縣豈不可御  
但用不得人耳乃以憲帶山陰令政聲大著孔珪請假東  
歸謂人曰憲料事特有天才

沈麟士字彥禎吳興武康人也祖膺期晉太中大夫父虔

之宋樂安令麟士幼而俊敏年七歲聽叔父岳言玄賓散  
言無所遺失岳撫其肩曰若斯文不絕其在爾乎及長博  
通經史存高尚之心親亡居喪盡禮服闋忌日輒流涕彌  
旬居貧織簾誦書口手不絕鄉里號為織簾先生嘗為人  
作竹誤傷手便流淚而還同作者謂曰此不足損何至涕  
零答曰此本不痛但遺體毀傷感而悲耳嘗行路隣人認  
其所著履麟士曰是卿履耶即跣而反隣人得履送前者  
還之麟士曰非卿履耶笑曰受之宋元嘉末文帝令僕射  
何尚之抄撰五經訪舉學士縣以麟士應選不得已至都



尚之深相接及至尚之謂子偃曰山藪故多奇士沈麟士  
黃叔度之流也豈可澄清濁耶汝師之隱居餘不鄉吳羗  
山講經教授從學士數十百人各營屋宇依止其側時人  
爲之語曰吳羗山中有賢士開門教授于城市麟士重陸  
機連珠每爲諸生講之征北張永爲吳興請麟士入郡麟  
士問郡後堂有好山水耶戴安道游吳興因古墓爲山池  
欲一觀之乃往停數月永欲請爲功曹麟士曰明府德履  
冲素留心山谷是以被褐負杖忘其疲病必欲飾渾沌以  
娥眉冠越客子文冕走雖不敏請附高屨有蹈東海死耳

不忍受此黥劓永乃止麟士無所營求以篤學爲務恒憑  
素几鼓素琴不爲新聲負薪汲水并日而食守操終老講  
書不倦遭火燒書數千卷年過八十耳目猶聰手抄寫大  
下細書復成二三千卷滿數十篋時人以為養身身靜嘿  
所致製黑蝶賦以寄意著周易兩繫莊子內篇訓注易經  
禮記春秋尚書論語孝經喪服老子要略數千卷梁天監  
中卒于家年八十五以楊王孫皇甫謐深達生死而終禮  
矯俗乃自為終制遺令氣絕別被取三幅布以覆屍及歛  
仍移布於屍下以為斂服反被左右兩際以用上不覆製



覆被不須沐浴含珠以本裙衫先着禪凡二服上加單衣  
幅巾履枕棺中惟依此既殯不復立靈座四節及祥權鋪  
席于地以設元酒之奠人家相承漆棺今不復爾亦不須  
施成服後即葬作冢令小後祔更作小冢於殯合葬非古  
也葬不須聚土成墳使上與地平王祥終制亦爾葬不須  
輜車靈舫魁頭也不得朝夕下食祭奠之法至於葬唯清  
水一杯子爨奉而行之州鄉皆稱嘆焉

沈道虔吳興武康人也少仁愛好老易居縣北石山下孫  
思亂後飢荒縣令庾肅之之迎出縣南廢頭里為立宅臨  
溪有山水可玩時復還石山精廬與孤兄子共釜庾之資  
困不改節受琴於戴逵<sup>逵</sup>王敬弘深貴重之郡州府凡十二  
命皆不就有人竊其園菜者外還見之仍自逃隱待竊者  
去後乃出人又拔屋後大筍令人止之曰惜此筍欲令成  
林更有佳者相與乃令人買大筍送與之盜者慙不取道  
虔使置其門內而還常以招撿自資同招者或爭穢道虔  
諫之不止悉以其所得與之爭者愧慙後每事輒云勿令

居士知

沈慶之字弘光吳興武康人少有志力晉末孫恩作亂使



其衆寇武康慶之末寇寇隨鄉族擊之屢捷由是以勇聞元  
嘉十九年雍州刺史劉道產率郡蠻大動征西司馬朱脩  
之討蠻失利以慶之為建威將軍率衆助脩之失律下獄  
慶之專將進討大破緣沔諸蠻後為孝武撫軍中兵叅軍  
孝武以本號為雍州隨府西上征蠻寇屢有功還都復為  
廣陵王誕北中郎中兵叅軍加建威將軍南濟陰太守雍  
州蠻又為寇慶之以將軍太守復隨王誕入沔伐沔北諸  
山蠻大破之威震諸山群蠻皆稽顙慶之患頭風好着狐  
皮帽群蠻惡之號曰蒼頭公每見慶之軍輒畏懼曰蒼頭

頭公已復來矣慶之引軍出前後破降甚衆又討犬羊諸  
山蠻緣險築重城施門櫓甚峻慶之連營山下營中聞門  
相通又令諸軍各穿池于營內朝夕不外汲兼以備蠻之  
火頃之風甚憇夜下山人提一炬燒營火至輒以池水灌  
滅之蠻被圍守日久並饑乏自後稍出歸降慶之前後所  
獲蠻並移都下以為營戶二十七年遷太子步兵校尉其  
年文帝將北侵慶之諫曰道濟再行無功彥之失利而反  
今料王玄謨等未踰兩將恐重辱王師上曰王邛再屈別  
有所由道濟養寇寇自資彥之中塗疾動虜所恃惟馬夏水



浩大泛舟濟河碣磔必是滑臺小戍易可覆拔尅此二戍  
館穀弔人武牢洛陽自然不固慶之固陳不可時丹陽尹  
徐湛之吏部尚書汪湛並在坐上使湛之等難慶之慶之  
曰為國譬如家耕當問奴織當問婢陛下今欲代國而與  
白面書生革謀之事何由濟上大笑及軍行慶之副玄謨  
進圍滑臺慶之與蕭斌留守碣磔仍領斌輔國司馬玄謨  
攻滑臺積旬不拔魏太武大軍南向斌遣慶之將五千人  
救玄謨慶之曰少軍輕往必無益也會玄謨退還斌將斬  
之慶之諫乃止蕭斌以前驅敗績欲絕死固碣磔慶之以

為不可會制使至不許退諸將並謂宜留斌復問計於慶  
之慶之曰聞外之事將所得專制從遠來事勢已異節下  
有一范增而不能用空議何施斌及坐者並笑曰沈公乃  
更學問慶之厲聲曰衆人雖見古今不如下官耳學也玄  
謨自以退敗求成碣磔斌乃還歷城申坦坦護之共據清  
口慶之奔驛馳歸二十九年師復行慶之因諫不從以立  
議不同不使北出慶之居清明門外有宅四所室宇甚麗  
又有園舍在婁湖慶之一夜携子孫徙居之以宅還官悉  
移親戚中表于婁湖列門同閉焉廣開田園之業每指地



語人曰錢盡在此中興身享大國家素富厚產業累萬全  
奴婢于計再獻錢千萬穀萬斛以始興封優近求改封南  
海郡不許妓妾十數人並美容工藝慶之優游撫事盡意  
懽愉自非朝貴不出門每從游幸及校獵據鞍陵厲不異  
少壯太子妃上孝武金鏤鏤筋及孟杓上以賜慶之曰觴  
酌之賜宜以大夫為先也上嘗歡飲普令羣臣賦詩慶之  
粗有口辨手不知書每將署事輒限服不識字上逼令作  
詩慶之曰臣不知書請口受師伯上即令顏師伯執筆慶  
之口受之曰微生過多幸得逢聖運昌朽老筋力盡徒步

還南周出辭榮此聖世何媿張子房上甚悅衆坐並稱其辭

意之美前廢帝即位加慶之几杖給三望車一乘慶之每  
朝賀常乘猪鼻無憶車左右從者不過三五騎履行園田  
每農桑劇目無人從行遇之者不知三公也及加三望車  
謂人曰我每游履田園有人時與馬成三無人則與馬成  
二今乘此車安所之乎及賜几杖並固讓柳元景顏師伯  
嘗詣慶之會其游田元景等鳴茄列卒滿道慶之獨與左  
右一人在田見之悄然改容曰夫貧賤不可居富貴亦難  
守吾與諸公並出貧賤因時際會榮貴至此唯當共思損



挹之事老子八十之年日見成敗者已多諸軍炫此車服  
欲何為乎於是挿杖而私耘不為之顧元景等撤侍褰裳從  
之慶之乃與相對為懽慶之既通貴鄉里者舊素輕慶之  
者後見皆膝行而前慶之曰故是昔時沈公廢帝狂悖無  
道慶之猶盡言諫諍乃遣其從子攸之齎藥賜死時年八  
十慶之群從姻戚由慶之在列位者數十人長子文叔位  
侍中慶之之死不肯飲藥低之以被掩殺之文叔密取藥  
藏錄乃飲藥自殺文叔子昭明位秘書郎聞父死曰何忍  
獨生亦自縊死

沈昭略字茂隆昭明之弟也永元中與叔父文季俱被召  
入華林省姑法珍等進藥酒昭略怒罵徐孝嗣曰廢昏立  
明古今令典宰相無才致有今日以甌投其面曰使為破  
面鬼死時言笑自若了無懼容徐孝嗣謂曰見卿使人想  
夏侯太初答曰明府猶憶夏侯便是方寸不能都豁下官  
見龍逢比干欣然相對霍光脫問明府今日之事何辭答  
之邪昭略弟昭光聞收兵至家人勸逃去昭光不忍捨母  
入執母手悲泣遂見殺時昭明子曇亮已得逃去聞昭光  
死乃曰家門屠滅獨用生何為又絕吭而死時人歎其累



世孝義

沈文季字仲達文叔弟也以寬雅正直見知位中書郎父慶之遇害諸子見收文叔謂之曰我能死爾能報遂自殺文季揮刀馳馬去收者不敢追遂免昇明元年沈攸之反齊高帝封文季冠軍將軍督吳興錢唐軍事初慶之之死也攸之求行至是文季收攸之弟新安太守登之誅其宗於以復舊怨親黨無吹火焉君子以文季能報先耻正泉之宋書云泉之吳興烏程人博學有才識著文章一百卷行於代歷龍鄉縣侯吳郡太守與父文季同好

吳達吳興人也經荒饑疾病合門死者十有三人達時亦病篤其喪皆鄰里以葦席裹而埋之達夫妻既存家極貧窘冬無衣被晝則傭傭晝夜燒磚甃晝夜在山未嘗休止遇毒蟲猛獸輒為之下道暮年成七墓十三棺時有贈賻一無所受太守張崇義以羔羊之禮禮焉卒於家南史作吳興烏程人統記云又見宋略

右宋人

沈昇之南史吳興人也為丹陽尹徐孝嗣故吏謂孝嗣曰昇之與君俱有項領之功今一言而二功俱解豈願聞之



乎君受恩二祖而更參維新之政以君為反覆人事成則  
無處逃咎矣昇之草萊百姓言出禍已隨之孰與起起然謝  
病高枕家園則與松柏比操風霜等烈豈不美邪孝嗣改  
容謝之

仰仲起字子震吳興人也為晉平太守清廉自立褚彥回  
歎曰目見可欲心不能亂此揚公所以遺子孫也仰起位  
至廷尉卒

仰冠先字道玄吳興烏程人也少有節義齊永明中位給  
事中時求使蠕蠕國尚書令王儉言冠先雖名位未升而

行義甚重若為行人則蘇武鄭衆之流也於是使蠕蠕  
蠕逼令拜冠先執節不從以又臨之冠先曰能殺我者蠕  
蠕也不能以天子使拜我我狄者我也遂見殺武帝以冠先  
不辱命賜其子雄錢一萬布三十疋

邱靈鞠吳興烏程人也祖系秘書監父道真護軍長史靈  
鞠少好學善屬文宋孝武殷貴妃亡靈鞠獻挽歌三首雲  
橫廣階閣霜深高殿寒帝擿句嗟賞褚彥回為吳興太守  
謂人曰此郡才士唯有丘靈鞠及沈勁耳嘗還東詣司徒  
褚彥回別彥回不起曰比脚疾更增不復能起靈鞠曰脚



疾亦是大事公為一代鼎臣不可復為覆餗其彊功如此  
武帝即位為通直常侍尋領東觀祭酒靈鞠曰人居官願  
數遷使我終身為祭酒不限也恨著江左文章錄序起太興  
訖元熙文集行於時子遲責以子靈賦林婚三首雲  
正遲字子範八歲便屬文靈鞠常謂氣骨似我為中書侍  
郎卒遲辭采麗逸時有鍾嶸著詩評云范雲婉轉清便如  
流風回雪遲點綴映媚似落花依草雖取賤文通而秀於  
敬子其見稱如此下於以本西之  
正仲字字公信靈鞠從孫也少好學讀書常以中宵鐘鳴

為限靈鞠常稱為千里駒也齊永明初為國子生王儉曰  
東南之美復見正生為山陰令居職甚有聲稱百姓謀曰  
二傳沈劉不如一正前世傳美父子沈憲劉玄明相繼宰  
山陰並有政績言仲孚皆過之梁武帝踐祚復為山陰令  
仲孚長於撥擷善適權變吏人敬服號稱神明治為天下  
第二累遷豫章內史在郡更厲清節頃終詔贈給事中黃  
門侍郎喪將還豫章老幼號哭攀送車輪不得前仲孚為  
左丞撰皇典二十卷南宮故事百卷又撰尚書其事雜儀  
行於此



王寂之字德立吳興烏程人年十七為州西曹兼直主簿  
刺史王彧行夜還前驅已至而寂之不肯開門曰不奉墨  
旨或乃於車中為教然後開或歎曰不意邛君帝近在閣  
下即轉為主簿專以廉潔御下于時丹陽縣令沈疇之以  
清廉祇罪寂之聞之曰清吏真不可為也政當處季孟之  
間乎

太史叔明吳興烏程人也史慈後也少善莊老兼通孝經  
論語禮記尤精三立每講說聽者常五百餘人為國子助  
教郡陵王綸好其學及出為江州掾叔明之鎮王遷郢州

又隨府所至輒講授故江州人士皆傳其學

沈疇之吳興武康人也性踈直為丹徒縣令自以清廉不

事左右浸潤日至遂鎖繫尚歎曰一見天子足矣上召

問曰復欲何陳答曰臣生清所以獲罪上曰清復何以獲

罪曰無承奉要人上曰安人為誰疇之以手被四面指曰

此赤衣諸賢皆是若臣得更鳴必令清譽日至疇之雖危

言上亦不責後知其無罪重除丹陽令入縣界吏人候之

謂曰我今重來當以人肝代來不然清名不立

沈瑀字伯瑜吳興武康人也父昶事宋建平王景素景素



謀反袒先去之及敗坐繫獄瑀詣臺陳請得免罪司徒竟  
陵王子良聞瑀名引為府行參軍領揚州部傳從事時建  
康令沈徽字特勢傲瑀瑀以法繩之衆憚其強子良甚相  
知賞雖家事皆以妻妻瑀子良薨瑀復事刺史始安王遙光  
常使送人丁速而無怨遙光謂使吏曰爾何不學沈瑀所  
為乃令瑀專知州獄事湖熟縣方山埭高峻冬月公私行  
侶以為艱明帝使瑀行修之瑀乃開四洪斷行客就作三  
日便辦揚州書佐私行詐稱州使不肯就作瑀鞭之四十  
書佐歸訴遙光遙光曰沈瑀必不枉鞭汝覆之果有詐明

帝復使瑀築赤山塘所費民材官所量數十萬帝益善之  
為建德令教人一丁種十五株桑四株柿及梨栗女子丁  
半之人咸懽悅頃之成林帝即位雲深薦瑀自既陽令權  
兼尚書右丞時天下初定陳伯之言瑀既督運輸軍國獲  
濟帝以為能遷尚書駕部郎兼右丞如故瑀薦族人沈僧  
隆僧照有吏幹帝並納之以毋憂去職起為餘姚令縣大  
姓虞氏千餘家請謁如市前後令長莫能絕自瑀到非訟  
詐無所通以法繩之縣南有豪族數百家子孫縱橫遞相  
庇蔭厚自封植百姓甚患之瑀召其老者為石顯倉監少



者補縣僮皆號注道路自是權右屏疏瑀初至審吏皆解  
衣美服以自彰別瑀怒曰汝等下縣吏何得自擬貴人悉  
使着芒履麤布侍立終日足有蹉跌輒加榜捶瑀微時嘗  
至此嚮瓦器為富人所辱故因以報焉後為安南長史尋  
陽太守江州刺史曹景宗卒仍為信威蕭穎達長史太守  
如故瑀性屈強每忤穎達穎達銜之天監八年因入諮事  
辭又激厲穎達作色曰朝廷用君作行事即瑀出謂人曰  
我死而後已終不能傾側面從是日於路為人所殺多以  
穎達害焉子續累訟之過穎達尋卒事不窮竟續乃布衣

蔬食終其身

王文殊字令章吳興人鄞人也父沒魏文殊思慕泣血終  
身蔬食不衣帛服麻縕而已歲時伏臘月朝十五未嘗不  
北望長悲如此三十年太守孔琇之表其行改所居為孝  
行里

右齊人

工師施南史云吳興人以廉潔稱罷臨安縣還唯有二十  
籠簿書並是食庫券帖當時以比范述曾位至臺郎  
吳筠字叔庠吳興故鄞人好學有俊才文體清雅好事者



或擊之謂爲吳均體柳惲爲吳興召補主簿日引與賦詩  
沈浚字叔源吳興武康人也祖憲浚少涉學有材幹任梁  
歷山陰吳建康三縣並有能名太清二年累遷御史中丞  
守臺城爲侯景所圍外援並至景表請和簡文使浚往景  
所景回即日向熱非復行時政發立効求停君可見爲申  
聞浚曰大將軍此意意在得城下風順聞久已乏食城內  
雖困尚有兵糧朝廷恐和好乖貳已密敕外軍若臺城傾  
覆勿以二官爲念當以死雪恥若不能決戰當深壁自守  
大將軍十萬之衆將欲何資景橫刀于膝瞑目叱之浚乃

正色責景曰河南王人臣而學兵向闕今朝廷已赦王罪  
結盟口舌未乾而復翻背沈浚六十之年且天子使也奉  
命而行何用見脅徑去不顧景歎曰是真司直也

沈崇僚字思整吳興武康人也乘懷明宋兗州刺史宗僚  
六歲丁父憂哭踊過禮及長事生母至孝家貧常傭書以  
養天監二年太守柳惲辟為主簿崇僚從惲到郡還迎其  
母未至而母卒崇僚以不及侍疾將欲至死水漿不入口  
晝夜號哭旬月殆將絕氣兄弟謂曰殯葬未申遽自毀滅  
非全孝道也崇僚心悟乃稍進食母權瘞去家數里哀至



輒之瘞所不避雨雪每倚墳哀慟飛鳥翔集夜恒有猛獸  
來望之有聲狀如歎息者家貧無以遷厝乃行乞經年始  
獲葬焉既而廬于墓側自以初行喪禮不備復以葬後更  
行服三年久食麥屑不噉鹽醯坐卧於單薦因虛腫不能  
起郡縣舉至孝梁武聞即遣中書舍人慰勉之乃詔令釋  
服擢補太子洗馬旌其門閭崇僚奉詔釋服而涕泣如居  
喪固辭不受官乃除永寧令自以祿不及養哀思不自堪  
未至縣卒

沈峻字士嵩吳興武康人也家世農夫至峻好學與舅太  
史叔明師事宗人沈麟士門下積年晝夜自課睡則以杖  
自擊其篤志如此遂博通五經尤長三禮為國子助教兼  
五經博士於館講授聽者常數百人及中書舍人賀琛奉  
敕撰梁官乃啟峻及孔子法補西省學士助撰錄成入兼  
中書通事舍人出為武康令卒官峻子文阿齊  
沈文阿字國衛性剛強有旅力少習父業研精章句祖舅  
太史叔明舅王慧興並通經術而文阿頗傳之又傳采先  
儒異同自為義疏通三禮三傳位五經博士梁簡文引為  
東宮學士及撰長春義記多使文阿撮異聞以廣之紹泰



元年入爲國子博士尋領步兵校尉兼掌儀禮自太清之  
亂臺閣故事無有存者文阿父峻梁武帝時常掌朝儀頗  
有遺橐於是斟酌裁撰禮度皆自之出及陳武帝受禪文  
阿輒棄官還武康帝大怒怒發使往誅之時文阿鄉人沈恪  
爲郡請使者寬其死即面縛鎖頸致於上前上視而笑之  
曰腐儒復何爲者遂赦之所撰儀禮八十餘條春秋論語  
禮記孝經義記七十餘卷經典大義十一卷並行於時儒  
者多傳其于學

沈約字休文吳興武康人也少篤志好學晝夜不釋卷毋

恐其以勞生疾常遣減油滅火而晝所讀夜輒誦之遂博  
通郡集善屬文濟陽蔡興宗聞其才而善之又爲郢州引  
爲安西外兵參軍兼記室人倫師表宜善師之又爲荊州  
又爲征西記室帶關西令齊初爲征虜記室帶襄陽令所  
奉主即齊文惠太子太子入居東宮爲步兵校尉管書記  
直永壽省校四部圖書時東宮多士約特被親遇每旦入  
見景斜方出時王侯到宮或不得進約每以爲言太子曰  
吾生平嬾起是卿所悉得卿談論然後忘寢卿欲我夙興  
可恒旦入梁武帝在西邸興約遊舊建康城平引爲驃騎



司馬帝曰我起兵於今三年矣功臣諸將實有其勞然成  
帝業者乃卿與范雲也梁臺建為散騎常侍吏部尚書兼  
右僕射及受禪為尚書僕射封建昌縣侯又拜約毋謝氏  
為建昌國太夫人奉策之日吏部尚書范雲等二十餘人  
咸來致拜朝野以為榮約性不飲酒少嗜慾雖時遇隆重  
而居處儉素立宅為東田矚望郊阜常為郊居賦以序其  
事尋加特進遷中軍將軍丹陽尹侍中特進如故十三年  
卒官年七十三謚曰隱約左目重瞳子腰有紫志聰明過  
人好墳籍聚書二萬卷都下無比少時常以晉氏一代竟

無全書年二十許便有撰述之意宋泰始初征西將軍蔡  
興京為啓明帝有敕許焉自此踰二十年所撰方書方就  
凡一百餘卷條流雖舉而採綴未周永明初遇盜失第五  
帙又齊建元四年被救撰國史永明二年又兼著作即撰  
次起居注五年春又被救撰宋書六年二月畢功表上之  
其所撰國史為齊記二十卷天監中又撰梁武紀十四卷  
又撰邇言十卷謚例十卷文章志三十卷文集一百卷皆  
行于世又撰四聲譜以為在昔詞人累千載而不悟而獨  
得宵襟窮其妙旨自謂入神之作武帝雅不好焉嘗問周



捨曰何謂四聲捨曰天子聖哲是也然帝竟不甚專用  
沈旋字士規約之子也襲爵位司徒右長史太子僕射以  
毋憂去官官因蔬食辟穀服除猶絕粳梁終于南康內史  
沈衆字仲興旋之弟也好學頗有文辭仕梁爲太子舍人  
時梁武帝制千文詩衆爲之注解與陳郡謝景同時名見  
于文德殿帝令衆爲竹賦賦成奏之手敕答曰卿文體翩  
翩可謂無恭爾祖累遷太子中書舍人  
沈恪字子恭吳興武康人也深沉有幹局文帝襲東揚州  
刺史張彪以恪監吳興郡武帝受禪時洛自吳興入朝武

帝使中書舍人劉師知引恪令勒兵入因衛敬帝如別宮  
恪排闥入見武帝叩頭謝曰恪身經事蕭家來今日不忍  
見此事寧受死耳決不奉命武帝嘉其意不復逼宣帝即  
位除平越中郎將都督廣州刺史恪未至嶺前刺史歐陽  
紇舉兵拒嶮不得進兵荒之後爲時特進金紫光祿大夫卒  
沈炯字初明吳興武康人也祖瑀梁尋陽太守父續王府  
記室叅軍炯少有俊才爲當時所重仕梁爲尚書左戶侍  
郎魏尅荊州虜甚見禮遇授儀同三司以在東恒思歸國  
恐以文才被留閉門却掃無所交接時有文章尋即棄毀



不令流布嘗獨行至漢武通天臺為表奏陳已思鄉之意  
其夜夢有宮禁之所兵衛甚嚴炯便以情事陳訴聞有人  
言甚不惜放卿還幾時可至少日便與王克等並獲東歸  
歷司農卿史中丞陳武帝受禪加通直散騎常侍表求歸  
養詔不許文帝嗣位又表求去詔答曰當敕所司相迎尊  
累便卿公私無廢也初武帝嘗稱炯宜居王佐軍國大政  
多預謀謨文帝又重其才欲寵貴之會王琳入寇東境帝  
欲使炯因是立功乃解中丞加明威將軍遣還鄉里收徒  
衆以疾卒于吳中

沈洙字宏道吳興武康人也祖休季梁餘杭令父山卿梁  
國子博士中散大夫洙少方雅好學不妄遊通三禮春秋  
左氏傳精識強記五經章句諸子史書問無不答任梁為  
尚書祠部郎時年蓋二十餘大同中學者多涉獵文火不  
為章句而洙獨積思經術吳郡朱異會稽賀琛甚嘉之又  
異琛於士林館講制旨義常使洙為都講

沈重字另厚吳興武康人也性聰悟專心儒學博覽群書  
尤明詩及左氏春秋梁元帝之在藩也甚欽異之又即位  
遣何武迎重西上魏平江陵重留事後梁蕭譽累遷都官



尚書重學業該博為當世儒宗後周大象中乘朝京師隋  
開皇二年卒贈開府儀同三司  
姚察字伯審吳興武康人也吳太常卿信之九世孫也父  
僧坦梁大醫蔡<sup>察</sup>如有至性六歲誦書萬餘言不好戲弄勵  
精學業十二能屬文僧坦精醫術知名梁二宮所得供賜皆  
回給察兄弟為游學之資察並用聚蓄圖書由是聞見日  
博年十三梁簡文帝時在東宮盛修文義即引于宣猷堂  
聽講論難為儒者所稱大建初補宣明殿學士尋為通直  
散騎常侍報稱于周江左者舊<sup>光</sup>在關右者咸相傾慕沛

別日獨居<sup>名</sup>入內殿賜果菜指謂朝臣曰聞姚察學行當今  
無比<sup>比</sup>我平陳唯得此一人丁後母杜氏喪解職在服制之  
中有白鳩巢于戶上仁壽二年詔除員外散騎常侍晉王  
侍讀煬帝即位授太子內舍人及改易衣冠刪定朝式預  
奏問對大業二年終於東都遺命薄葬以松板薄棺纔可  
容身土周於棺而已葬日止鹿車即送厝舊塋比不須立  
靈置一小牀每日設清水一盃濟日設齋食菜果任家有  
無不須別經營也察至孝有人倫鑒識冲虛謙遜不以所  
長矜人專志著書白首不倦所著漢書訓纂<sup>纂</sup>三十卷說林



十卷建康二鍾等記各一卷文集二十卷所撰梁陳史雖未畢功隋開皇中文帝遣中書舍人虞世基索本且進臨亡戒子思廉撰續

沈顛百梁典云武康人隱居小山小山在武康之北微散騎常侍不就弟覲亦有兄之風景微不起時人嘉之

右梁人

胡穎字方秀吳興人也偉姿容性寬厚梁末除豫章內史陳武帝鎮京口齊遣郭元建出東開武帝令穎率府內驍勇隨侯填於東關大破之後從武帝襲王僧辯又隨周文

國劉臻竊于公館訪漢書疑事十餘條並為剖析皆有經據臻謂所親曰名下定無虛士著西聘道理記還補東宮學士遷尚書祠部侍郎舊魏王肅奏祀天地設宮懸之樂八州之舞爾後因循不革至梁武以為事人禮簡事神禮簡古舌無宮懸之文陳初承用莫有損益宣帝欲設備樂府有司立議以梁武為非時碩學名儒朝端右位咸帝各有注異同察乃博引經籍獨違群議蒙據梁樂為是當時驚駭莫不慙服僕射徐陵因改同察議其不順時隨俗皆此類也後歷仁威淮南王平南建安王二府諮議參軍初梁室淪沒



察父僧坦入長安察蔬食布衣不聽音樂至是凶問因聘使到江南時察母官氏喪制適除後主以察羸瘠慮加毀遣顏乃密達中書舍人司馬中就宅發哀仍敕申專加譬抑察既累居憂職齊素日久因加氣疾後主嘗別召見為之動容命停長齋令從晚食察自居顯要一不交通嘗有私門生不敢厚餉送南布一端花練一疋察謂曰吾所衣著止是麻布蒲練此物於吾無用既欲相款接幸不煩爾此人遜請察厲色驅出自是莫敢饋遺陳亡入隋詔授授秘書丞別整成梁陳二史又救於朱華門長參文帝知察蔬菲

育於吳興討枉龕武帝受禪兼左衛將軍天嘉元年除散騎常侍吳興太守卒官謚曰壯後二年配享武帝廟庭沈君理字仲倫吳興人也美風儀博涉有識鑒陳武帝鎮南徐州君理致謁深見器重後為吳郡太守以幹理見稱弟君高字季高少知君性剛直有吏能為廣州刺史甚得人和弟叔邁亦方正有幹局位通直散騎侍郎

章華字仲宗吳興人也好學善屬文後生時除大市令非其所好學華乃辭以疾後上書極諫書奏後主大怒斬之沈德歲字懷遠少有操行以禮學自名梁太清末遁於天



目山築室以居雖處亂離而篤學無倦天嘉元年召出都  
為國子助教每自學還私室講授道俗受業數百人南史  
儒林傳沈德威以禮學自命吳興沈文阿王元規少從受  
業

錢道戢字子韜吳興長城人也父景洙梁漢壽令道戢少  
以孝行著聞及長頗有材幹陳武帝微時以從妹妻焉武  
帝輔政道戢隨文帝平張彪于會稽以功拜東徐州刺史  
永安縣侯天嘉元年為臨海太守侯安都之討留異道戢  
帥軍出松陽以斷其後異平以功拜都督衡州刺史領始

興內史後與章昭達討啟陽紇紇平徐尤衛將軍太建二  
年又隨昭達征江陵以功加散騎常侍後為都督郢州刺  
史舉儀同黃法氍攻下歷陽因以道戢鎮之卒官謚曰肅  
子邈嗣

章昭達字伯通吳興武康人也性倜儻輕財尚氣少時遇  
相者謂曰卿容貌甚善須小虧則當富貴梁大同中昭達  
為東宮直後因醉墮馬鬢角小傷昭達喜之相者曰未也  
侯景之亂昭達率鄉人投臺城為院失所中渺其一目相  
者見之曰卿相善矣不久當富貴臺城陷昭達還鄉里與



陳文帝游因結君臣分侯景平文帝為吳興太守昭達杖  
策來謁文帝見之大喜因委以持節恩寵起于儕等陳  
武帝謀討王僧辯令文帝還長城招聚兵聚以備杜龕頻  
使昭達往京口稟承計畫僧辯誅後杜龕遣其將杜泰來  
攻長城昭達因從文帝進軍吳興以討龕龕平又從討張  
彪于會稽尅之累功除定州刺史時留異擁衆據東陽武  
帝患之乃使昭達為長山令居其心腹天嘉元年追諭長  
城功封欣樂縣侯尋隨侯安都拒王琳昭達來平虜大艦  
中流而進先鋒發拍中賊王琳平昭達策勲第一二年除

都督郢州刺史周連據臨川及詔昭達便道征之敵敗走  
徵為護軍將軍改封邵武縣侯四年陳寶應納周迪共寇  
臨川又以昭達為都督討迪迪走昭達乃踰嶺討陳寶應  
與戰不利因據土流為筏施伯其上壞其水柵又出共攻  
其步軍方大合戰會文帝遣余孝頃出自海道適至因并  
力來之遂定閩中蓋禽留異寶應以功授鎮軍將軍開府  
儀同三司殿陽紇據嶺南及詔昭達都督衆軍征之統聞  
昭達奄至乃出頓沂口聚沙石盛以艸籠置於水柵之外  
用道舟艦昭達居其上流裝艦追伯白以臨賊柵又令人銜



刀潛行水中以斫竹籠籠筏皆解因縱大艦突之大敗紇  
禽之送都廣州平進位司空太建二年征江陵時梁明帝  
與周軍大蓄舟艦於青泥中昭達分遣偏將錢道戢程文  
帝李乘輕舟焚之周又于峽口南岸築壘名安蜀城于江  
上橫引索編葦爲橋以廣軍糧昭達乃命軍士爲長戰施  
接船上仰割其索索斷糧絕因縱兵攻其城降之三年於  
軍中病薨贈大將軍昭達性嚴別每奉命出征必晝夜倍  
道然其所尅必推功將帥厨膳飲食並同群下將士亦以  
此附之每飲會必盛設女伎雜樂備羗胡之聲寺律姿容

並一時之妙雖臨敵弗之廢也四年配享文帝廟廷  
沈不害字孝和吳興武康人也幼孤而脩立好學陳大  
初除衡陽主府中記室參軍兼嘉德殿學士自梁李喪亂  
至是國學未立不害上書請崇建儒宮帝優詔答之表  
改定樂章詔使制三朝樂歌詞八首命二十曲行之樂府  
後爲國子博士領羽林監救脩五禮掌策文謚議等事太  
監中位光祿鄉道直散騎常侍東尚書左丞卒不害道經  
術善厲文雖博綜經典而家無卷軸每製文操筆立成曾  
無尋臉汝南周弘五常稱之曰沈生可謂意聖人乎著五



禮儀一百卷文集十四卷子志道

右陳人自宋至陳四代之諸邑視晉無大更幸而人物視古為盛其事迹見于史傳者亦繁既已登載其他亦不出于五姓之系又附見著姓下令不利錄沈光大業中帝伐遼召諸行在所光誓曰若不能建功立名嘗死于高麗尋與賊力戰拜朝請大夫後死于江都之難時年二十八見統記

右隋人郡至隋而再廢請縣分屬蘇杭等州其名者特四年爾人物牢落如此無足恠也

錢起唐史云吳興人興河中盧綸都陽吉中孚南陽韓翃廣平司空文初苗發崔峒耿緯夏侯審李端皆能詩齊名號大厝才子尺寶中舉進士興即士元俱有聲時語曰前有沈宋後有錢即終考功即以後事並見唐史沈伯儀湖州吳興人武后時為太子右諭德議郊丘配祀禮請以高祖配國丘方澤太宗配南北郊高宗配五尺帝又元萬頃等議詩吳天章二后受之易薦上帝祖考有兼祀義高祖太宗既光配五祀當如舊請奉高宗歷配焉自是郊立三帝並配焉云伯儀歷脩文館學士續圖經曰唐



書云湖州吳興人疑烏程為縣史氏不書舊經載郡治烏程吳山兩縣但不得廢置之詳耳  
錢九隴字水業湖州長城人父文彊為吳明徹裨將與明徹俱敗彭城入隨以罪沒為奴故九隴事唐公善騎射常備左右兵起以功授金紫光祿大夫從戰薜仁累劉武周累擢為右武衛將軍從平洛陽佑皇太子建成討劉黑闥魏州力戰破賊以功最封郟園公改築國卒謚曰勇陪葬獻陵徐齊

徐齊聃字將道湖州長城人八歲能文太宗召試賜所佩

金削刀舉弘文生調曹王府泰軍累進西臺舍人咸亨初詔突厥酋受子第得侍東宮齊聃王書諫以為氈裘冒頓之裔解辯削衽使在左右非所謂恭慎威儀以近有德任官惟賢不左右惟其人之義又長孫無忌以讒死家廟毀棄齊聃言於帝曰齊獻公陛下外祖雖後嗣有罪不宜毀及先廟今周忠孝公廟及崇飾踰制恐非所以示海內帝寤有詔復獻公官以無忌孫延主其祀齊聃善文誥帝愛之令侍皇太子及諸王屬文子堅徐堅字元固幼有敏性沛王聞其名召見授紙為賦吳之



十四而孤及壯寬厚長者舉秀才及第爲汾州三軍事聖  
曆中東都留守楊再思王方慶共引爲判官方慶善禮學  
嘗就質疑晦堅爲申釋常得所未聞屬文典厚再思每日  
爲鳳閣舍人樣與徐彥洎劉知幾張說脩三教珠英時張  
昌宗季嶠總領彌年不下筆堅與說專意撰綜條彙粗立  
諸儒因之乃成書累遷給事中封慈源縣子中宗怒  
欲即斬之堅奏盛夏生長請須秋乃決時申敘者亦衆得  
以榜死太平公主用事武收登屢邀請堅堅不許入以妻  
岑羲女弟固辭機密轉人子詹事曰吾非求高逃禍耳羲

敗不染於惡玄宗改麗正書院爲集賢院以堅充學士副  
張說知院事帝大酺集賢慢舍在百司上說令揭大榜以  
侈其寵堅見據命撤之曰君子烏取多尚人從上泰州以  
泰定儀典加光祿大夫堅於典故多所請識凡七當謨次  
高選卒年七十餘帝悼惜遣使就予贈太子少保謚曰文  
子嶠

徐嶠字巨山開元中爲駕部員外郎集賢院直學士進中  
書舍人內供奉河南尹封慈源縣公父子相次爲學士自  
祖及孫三世爲中書舍人



孟郊字東野湖州武康人少隱嵩山性人少諧合韓愈一  
見爲忘形交年五十得進士第調深陽尉縣有投金瀨平  
陵城林薄蒙醫下有積水郊聞往生水旁裴回賦詩鄭餘  
慶爲東都留守署水陸運判官餘慶鎮興元奏爲叅謀卒  
年六十四張籍謚曰貞耀先生郊爲詩有理致最爲愈所  
稱然思若奇澁李觀亦論其詩曰高處在石無上平處  
下顧二謝云吳興詩有湖州敢解述請一首  
沈傳師吳興統記云德清人正元十九年進士及第二十  
年登制科儒學文藝爲一時冠圖經云吳興統記所載如

此必有所本而唐史以爲蘇州吳人豈後所徙耶宋王文  
王公作沈主簿墓表云武康之族額久至唐有旣濟者爲  
禮部員外郎生傳師爲尚書吏部侍郎當是時雖已割武  
康爲德清文公蓋推本言之證據必確史氏所傳不無誤  
也以後軍並見統記

包融吳興人制舉耀第有才名官至集賢院學士融子何  
起居舍人佶刑部侍郎時有同郡萬齊融與會稽賀朝河  
內荆邑恚富才學名冠當時時謂包萬荆賀見統記又云  
融烏程人唐書藝文志包融注云潤州延陵人亦如沈傳



師唐傳云吳人恐後所徙也

沈懷文吳興人舉孝廉為休寧主簿丁母憂三年廬於墓側手植松柏二千株每一號慟衆鳥為之哀鳴翔集墓木山中舊多虎自此乃絕統記云唐人時又有沈疇烏程人鄉舉秀才丁父憂六年廬墓不櫛沐醎酸不入口哭則嘔血刺血書經年三十二年有文集十卷又有沈景筠烏程人母怕雷及卒葬宅西雷每發則奔至墓所輒號哭云景筠在此賀知章為撰孝德傳事見沈氏家譜又有於元損廬父母墓守墳墓四十二年墳側生芝草九莖武后詔表

門閭又有施廷皎安吉福鄉人自長壽二年三代共居大曆六年勅旌表閭闊七尺五寸高一丈二尺又有陳承堅年九歲大中三年母亡葬後廬墓所墳前生芝草三莖勅旌表門閭見統記

沈綜吳興武康人年十四察孝廉上吏却尚書嚴挺之主餘衝書於廳壁時又有沈志廉年八歲誦尚書毛詩通大義十四察孝廉官至大中大夫並見統記

沈務本吳興人務本官至給事中子利瀆利賓子志志子達四世進士及第又有沈希藝進士及第性剛直嘗渡京



口江船欲覆乃拔劍託怒風為之息又沈頌亦進士第又有沈如筠有正聲集詩三百首有曰陰陽燕舊都矣人花不如吏部侍郎盧藏用常諷誦之沈孝澄吳興武康人學通九經官至國子博士子山之通禮傳訓詁言至彼書郎山之子豪之通詩禮舉孝廉皆以儒術著名又有沈存誠貞觀中進士及第官至錢唐尉沈房大曆中進士及第官至監察御史沈待聘官至弘文館學士沈士弼東宮博士沈雅源陽令沈大禮濮陽令沈庠監察御史沈徽偃師尉並以儒學著名

褚冲吳興長城人學通禮易鄉貢明經授奉化簿辭官歸耕觀察使李栖筠表授國子助教賜緋清河房懋天水閻伯筠並師之

沈微先賢傳云沈法興之孫太子文學丞家之子博學知古隱江口山峯孝弟力田累徵不起縣令韋丞慶改其所居為茂德鄉

沈長封沈氏家傳云長封吳興武康人唐卿貢秀才歷婺州金華尉金華有亭松子澗者音黃初平葛洪劉凌等悉居是澗長封結茅種木携家隱居著道書數百卷卒



右唐人唐初為縣四後又置德清三百年間人物見  
于史冊者反不逮音蓋唐都長安東南人物之仕顯  
者率遷邇焉歲久而為土著如姚思廉元崇吳太常  
卿斯之後也譜系甚明唐史傳思廉云京兆萬年人  
元崇云陝州人北類衆矣宜其人物之字落也仰惟  
我宋列聖相仍加意教育本郡人物視古為盛高宗  
龍渡駐蹕臨安實為馮輔禹公益多聲華相望史不  
輟書而國史專門疎遠不得而見鄉先生之行寔愚  
陋未能盡知尚有俟於續編也

烏程縣

據舊圖經所載七人吳吾粲晉上設潘縹吳達齊丘靈鞠  
丘遲丘仲孚以今所錄加漢錢讓沈喻沈儀吳徐詳晉吳  
慶之宋丘泉之齊丘寂之太史叔明又陳武宣章后羊緝  
女佩任事見郡志賢貴事實下以本縣之境自秦至吳合與  
長興歸安三邑自晉以來分合不常故併附之宋朝人物載附於後

葉參字次公國初州人業儒者寡參卓然自立成平中登  
第為舉子偁景祐中自兵部郎中出守卿郡金部尚書王



惟正作詩送之三司度支韓琦太常丞呂公綽辭紳秘書  
丞余請曾公亮皆有詩餞其行今刻石郡庠  
葉清臣字道卿泰之子天聖二年擢進士第二人不踰數  
年踐西掖北門之選訓章炳蔚馳譽當世父泰知本郡公  
志使省親以太常丞集賢校理知宣州拜親于郡治桑梓  
榮焉公自為詩在墨妙亭

葉夢得字少蘊泰之族人年二十一中進士第初為議禮  
選編脩官對使殿徽宗異之除祠部郎累遷至翰林學士  
詔令得休建炎中召為戶部尚書上疏論金賊利害凡數

萬言除左丞再知建康移軍屯安害寨立室廬氏皆後業以  
宗慶軍節度使致仕嘗築室卞山號卞林遂歸老焉有易  
傳書傳春秋傳春秋讞論語釋言孟子通議又有文集奏  
議自序燕語避暑錄巖下放言家訓金石類考老子解審  
是集行于世

張先字子野登進士第詩格清麗尤長于樂府有雲破明  
來花弄影浮萍破處見山影無數揚花過無影之句時號  
為張三影李公擇守吳興招子野及楊元素陳令與蘇子  
瞻劉孝叔集於郡圃號六客晚歲優游鄉里常泛扁舟乘



釣為樂至今號張公釣魚灣公仕至都官即中年八十九  
墓下山多寶寺之右有文集一百卷唯樂府傳于世  
賈收字耘老有詩名喜飲酒其居有水閣曰浮暉李公擇  
蘇子瞻為州與之遊唱酬極多子瞻賞遊何山道山回值風  
雨艤舟于浮暉命官奴秉燭掃風雨竹于壁間或刻之石  
今在墨妙亭收素貧東坡每念之嘗寫古木惟石書其後  
以贈耘老云今日舟中霜寒十指如懸槌適有人致嘉酒  
遂獨飲一杯醺然徑醉念費處士貧甚無以慰其意為作  
古今惟石一紙每遇饑時輒一閱看飽人否若吳興有好

事者能為君月致米三石酒三斗終若之世者當便以贈

之不爾者可令雙荷葉收掌

雙荷葉耘老待姪

須添丁長以付之

也

添丁耘老之子

蘇去公作亭以懷蘇名之有詩一編號懷蘇集

賈安宅字居仁收之從孫年十八入太學陞上舍二十二

廷試魁天下召對除校書郎累遷至戶部侍郎兼太上皇

帝潛邸贊讀建炎中以舊學為給事中對駿無所回避歷

仕三朝累司文柄真其所選倫皆得成材徽宗嘗手詔獎諭

之子選詳明典故通達法理今為刑部侍郎

吳侗字公度邃經術妙言語幼補太學為第一崇寧五年



羣試禮部又中第一吳興素號多士自開寶迄是年未有  
魁禮部者至個鄉人慕焉仕至刑定官所在又莫不敬禮  
芮暉字國器烏程人與弟暉力學起家號二芮同入太學  
占舍選上游同登紹興戊辰第在館學雍容儒雅人推重  
之後為司業四方學者為得所師晚歲詩益奇有文集藏  
於家暉今為兵部尚書

胡仔字元任父舜陟官至法從叔舜申舜舉皆為郡守皆  
知名仔少無宦情自號苕溪漁隱留心吟詠取自古詩人  
所作考之傳記為叢話百卷行于世弟仰今為郎官見舊

編

沈清臣字正卿登紹興丁丑進士第上書論諫官不當用  
歸正人語侵時寄貶封州放還隱居城南統晦巖叔書堂  
以來四方學者召入遷至皇子嘉王府翊善巧桐即所居  
治圃築亭揭閣曰潛溪多所賦詠後以秘閣修撰終於  
家

歸安縣

沈伯儀其餘並互見烏程宋朝人物附載

於後



朱臨登皇祐元年進士第嘗從安定先生學及安定歿以其學為鄉邦至學儒風日盛仕致秘書丞有學田記宣化院記傳于世

劉述字孝叔登景祐三年第為温州守州俗婚嫁以資幣相高述為裁制之為三第階等過時者有罰入為侍御史知雜事大臣新用事置條例司述無劉琦錢顛力詆之又新制謀殺人自首者減等坐述又奏長惡惠姦不可啟乞重議被劾司馬光上疏申救不報謫居江州曾孫岑亦中第紹興中至戶部侍郎佃儻高義人多稱之

劉一止字行簡述之族孫登宣和三年第為紹興府教授太守翟汝文問出所為文屬之定藁紹興初召試除校書郎為類試考官衆啟得文章典重者一止袖出一卷曰是宜第一及揭榜乃張九成衆甚厭服後為給事中封駁不避權貴致仕歸年八十三卒為制誥有體詩典麗樂府尤工有類藁五十卷茗溪集三十卷傳于世從弟寧止亦中第至法從立朝鯁亮建炎中論疏多剴切

莫君陳字和中從安定先生學登嘉祐二年第熙寧中新置大法科首中其選其為王安石器重御家嚴整如官府



東坡有西湖跳珠軒詩贈莫同年即君陳也長子砥字彥  
平智識疏通嘗知永嘉士徒補衆而養士額少公爲增額  
士感之爲立生祠子伯虛爲郎繼守溫立思濟堂以記其  
事後知常州和氣所召春有瑞梅甘露夏麥秀兩岐秋未  
合穎皆瑞應也後退居里社玩意佛書撰修行淨土書法  
門華嚴經意並刊行於世又釋楞嚴圓覺經意藏于家諸  
孫濛法科進至刑部侍郎漳登進士第今爲郎漳子柯戊  
戌年登進士第  
莫礪字彥輔君陳第二子有子曰伯鎔字器之少有高世

志年五十即歸休以迎師教子爲事子三人曰濟曰汲曰  
冲皆有俊聲擢進士第時號三莫後濟冲又中博學宏詞  
科濟溫粹和易而立朝梗亮毅然不可移爲給舍封駁有  
聲嘗知溫州儒雅飾火文事爲明州長史輔以正道後知泉  
州所至皆稱循良礪又有孫曰澄庚辰登進士第亦知名  
于時

俞汝尚字退翁以字行登慶歷二年第嘗爲益州新繁令  
御史員闕驛召至都下以疾力辭後爲青州簽判致仕還  
鄉滕甫有送行詩云清明冲節是身謀御史郎官不肯留



回首軒裳雙脫屣放懷天地一輕鷗  
下雲若月柴門靜菱雨蘋風野艇秋  
仰羨冥鴻空自愧區區圖報未知休  
歸逾年卧病夫人視之公曰人生七十者  
稀吾與夫人皆過之可往矣夫人曰我  
先去退翁曰善後三日夫人黃氏沐浴  
化去退翁自爲文誌墓明日召諸子曰  
吾亦行矣俄隱几而終高郵孫學撰墓表  
秦觀書

姚舜仁字令由元豐八年登第爲大學正  
召對稱旨除館職遷庫部員外郎進明堂  
定制圖并叙上賜對褒獎降詔可其奏  
又撰明堂解一卷擬復上之而疾後兄舜  
哲表追

以成其志

沈該字守約父時升兄調皆中第該亦以上舍釋福處鄉里以和易謙退稱每出入喜見之目爲三大夫紹興八年金人在淮泗遣使請和上疏贊之朝奏夕召後爲禮部侍郎出和自潼川夔府召還除叅知政事舊吳興丁身歲輸三十有奇公奏減五分之四鄉人德之公遂於易撰小傳六卷其說以尤氏變卦爲文嘗進之高宗降詔褒獎今刻石于其私第及有文集五十卷律詩三百五十篇雜著一百篇



周操字元持氣岸磊落登紹興乙卯第知徽州黟縣以忤  
權要出職後除國子錄當論對上意欲興武學以問操操  
歷以本朝建置之因對遂兼武學博士後歷言路陞入座  
及為詹事東宮加禮敬焉有議二百篇藏於家見舊編  
葛邲字楚輔孝宗時同知樞密院事光宗時除右丞相配  
享光宗廟

長興縣

吳興自錢林於漢元始中隱于平望鄉陂門里梓山其名  
已顯及晉陳達悅其山水乃遂家焉後遂生陳高祖傳世

者五一時人物之盛表表可紀已載賢貴事實及唐錢九  
隴徐齊聃徐堅及其諸女相繼於後事亦書賢貴事實下  
宋朝人物附見于此

劉誼字宜翁許安世榜中丙科熙寧中持節南方請罷買  
沉香減益價凡四十餘事帝詔輔臣曰劉誼論事有陸贄  
之風王安石銳意新法誼上疏極論其不便坐是廢黜從異  
人授出世法遂隱三茅山十年不出有詩云曾跨江西使  
者鞍舊言纔上使便休官三茅得夢全清瘦頭髮鬚鬚布襖  
寬東坡自嶠南以書問道曰或有外丹已成可助成梨棗



者望不惜分惠又曰先生筆端有口足以形容難言之妙  
軾亦眼中無翳必能洞曉不傳之意有文集三十卷奏議  
四十卷令傳于世

劉燾字無言宜翁次子未冠遊太學與陳亨伯俱以八俊  
稱會試史官策或戲之曰子平時好論將教授以破題乎  
燾即下筆曰秉史筆者權猶將也君命有所不受焉衆歎  
服東坡知元祐三年舉讀其文曰必巖谷問苦學者中第  
三人廷對又中甲科東坡薦燾文章典麗者著述科帥中  
小時以密潰荔枝遺之詩末章云詩清真合與君嘗歸朝

趙民彥嘗云在虜中飽觀公文尤善書筆勢道邁山谷謂  
江左復生羊欣薄紹之矣在館中時被旨修閣帖十卷所  
謂續法帖者是也嘗注聖濟經編修道史有遺文五十卷  
號南山集

劉北字希范宜翁之姪幼入太學時道鄉先生鄒浩在諫  
垣以直言竄謫後名為還舊職珎以書規切之京師傳誦  
比韓愈諫臣論登進士第累官至主客郎靖康初詣中書  
極論天下事除中書舍人建炎初以資政殿學士同知三  
省樞密院事累疏陳守禦之策時黨籍子孫尚未錄用公



悉奏行之有吳興集二十卷奏議五卷箴于家  
劉慶字汝一博覽強記內翰汪藻奉祠領日曆寓居西寺  
一見異之以制科表薦登紹興己丑第後歷臺諫辛巳歲  
廣人叛盟條陳三策大駕巡邊留居諫省上即位抗疏陳  
春秋正始之道去國居里貧無戚戚之態有傳言鑑古五  
十篇雜文三十卷藏于家見舊編

施元之字德初官至左司諫

劉三傑字漢臣累入臺諫後為臺端擢為吏部侍郎

武康縣

武康人物舊圖經所載沈勁以下二十七人餘英志默其  
二姚沈衆結而增十有五而八為近世之名卿士則自唐以前  
為三十有四而統記所載沈伯儀等九人則又不志去取  
猶有未盡今撫史傳所載自吳以下總三十七而三十二  
為沈姓焉時尚未分德清也以故因史傳所書曰武康人  
合于郡之賢貴事實下宋朝人物附載于後

成無玷字之毅登進士第建炎中自刪定官除知鄂州守  
禦遵古兵法都督張俊薦之朝太上皇帝累賜卿禮獎諭  
未幾鞅鞅鞅字董圍之甚急無玷堅守虜竟引去後因晨



起巡城霜滑墜足而卒  
劉士英字冲發以上舍擢第為温州教授方寇之擾士大夫皆遁去士英獨留聚官兵保甲守禦州賴以全後通判太原金人大入與將王稟堅守自乙巳冬至丙午秋城中食盡王稟赴火自盡士英戰死見舊編  
施鉅字大任官至叅知政事

### 德清縣

德清縣在武康未析之前人物並見武康誌自唐天授乙析之後如沈傳師統記以為德清人唐史又以為不然及

本朝王文正公作墓表其言自有證今附之德清人物  
沈巖字叔寬幼負器識善屬文大中祥符八年禮部中第  
四人庭試中科國家興山澤之利主計薦公監洪州武寧  
茶場兼領本邑事吏畏其廉民愛其慈及死貧不能葬太  
守滕元發葬于縣之永和鄉范文正公與之同年為銘其  
墓

沈瑄字次律巖之族人艾彥明叔彥聲皆登第少遊學深  
於春秋為文章尚氣節亦好吟咏後至燕雲提舉郭藥師  
敗粘罕勢甚熾去大夫皆束手獨毅然不屈雖臨以刀刃



終不變逃歸諧闕敵策不用著南歸錄以摠忠憤遂還里  
中自號柯田山人終老焉子正度今為郎  
沈與求字必先瑄之從弟何臬榜中第為杭州儀曹吏胥  
畏其剛介名試館職後為侍卿御史遷中丞風采聳動一時  
中興臺綱之振始于此為吏部尚書銓選清明為翰林學  
士詔今有西漢風骨後除叅知政事進知樞密院有龜溪  
集三十卷傳于世  
沈介字德和彥聲之孫年十八登進士第又中博學宏詞  
科除秘書省正字後為中書舍人以次對知平江府召歸

口疏甚凱切備言慮人必為患明年虜犯兩淮乃以兵部  
尚書為荆湖制置使風采震聳邊郡再知平江一知成都  
郡皆繁劇為政綽有餘閒豪猾斂避平生奏議及著述皆  
未編次見舊編

沈復字得之嘗師蜀孝宗時簽書樞密院事  
李彥穎字秀叔孝宗朝兩為叅知政事獨當國柄

安吉縣

圖經載施成等八人許頤于敷吳均共十一人統記載共  
三十一人施十五人萬十四人吳二人據三國志朱



治然績各有功業已載郡圖經宋朝人物附載于後  
吳可幾好古博雅與弟知幾相繼登進士第時號二吳可  
幾仕至太常少卿著于姓編凡論姓氏所出悉有根蒂行  
于世知幾至郎官嘗守其父屯田郎墓三年平地出泉人  
皆異之號孝子泉見舊編  
沈樞字持要官至太子詹事

進士題名

郡之登進士科者唐至宋初無題名嘉祐八年知州事張  
田始刻石于郡學經史閣下之右序自慶曆二年本州及

遊學之士咸追書之爾後相繼不絕至業寧二年後止書  
本州之士政和八年以來又闕不錄紹興三十年提點本  
路刑獄呂廣問攝郡事廼屬教授陳叔達併錄刻焉淳熙  
二年教授虞儔又附載其在祖父昆弟之登科者名于下  
今錄如右

慶曆二年楊寘榜 俞可 俞尚 臧緯 劉達

慶曆六年賈黯榜 陳舜俞 李軻

皇祐元年馮京榜 盧東 劉握 丁伯初 朱臨

沈伸 姚舜諧 丁錚 陳樞 徐絳 周之彥



皇祐五年鄭獬榜 丁周景賢 李恂 沈振 周之道  
莫士光

嘉祐二年章衡榜 張脩 施頌 莫君陳

嘉祐四年劉輝榜 陳皓

嘉祐六年王俊民榜 陳幾 姚安世

嘉祐八年許將榜 俞溫父

治平二年彭汝礪榜 吳永 范永 劉塢

治平四年許世安榜 劉誼

熙寧三年葉祖洽榜 俞純父

朱早 葉 劉損 許彥

臧詵 戚山 方藁 施耕 劉極 沈佑 管太初

熙寧六年余中榜 朱服 陶允 沈彥明 丁注

蔡蹈 汪聞 張易直 張著 陸元光 徐唐臣

胡解 周之才 沈時 方景 沈寅 丁演

熙寧九年徐鐸榜 霍同 沈倚 葉勤 丁維 徐允

文 張茂直 葉劬 沈倫

元豐二年時彥榜 沈干 陸元賓 沈仍 陳杞

丁掌 黃居 朱率 臧詢 沈偕 吳植 宋前

嚴應期



元豐五年黃裳榜 袁應中 楊詢 莫倚 張談

周需 陸元成 朱沈彥聲 李穀 莫羣 徐元 張稚

通豐二年 姚舜仁 魯伯能 周之元 沈純

元祐八年焦蹈榜 姚舜仁 魯伯能 周之元 沈純

誠 姚祐 王履 鄭奕 太史章 劉定國 朱級

張謐

元祐三年李常寧榜 劉燾 李肱 丁沔 莫偕

李畸 陳敏功 史先能 俞隆道 戴懷 王頤

劉全

元祐六年馮涓榜 劉安止 朱任

紹聖元年畢漸榜 朱南強 宋彥弼 卜僵本 姚侯

紹聖四年何昌言榜 張太成 周敦 周知微 沈章

曾綸 盧蕡 吳達 顧天經 葉筠 周衮臣 王霖

元符三年李金榜 余拂 陶菴 吳彥 沈時升

費若 周天益 范賁 吳又將 徐繹 吳堦 韓奕

王遵道

崇寧二年霍端友榜 沈純道 楊天倪 莫汝明

張維 吳升 張汝舟 張湍 朱种 丁挈



崇寧五年蔡薺榜 劉珏 上舍 成無玷 張同 王翽 上舍

金譽 吳個 省元 李預 邾表 沈純正 丁安常

劉拱 沈覲 呂之望 練表

大觀三年 賈安宅 狀元 張大受 邾嘉謀 陳湯求 上舍

張汝欽 夏千之 丁安止 錢揚 上舍 曹宗臣

施敦仁 成能 吳安 顧天 葉茂 何泰 王霖

政和二年莫儔榜 蔡調 上舍 吳价 上舍 沈調 上舍

沈欽止 上舍 劉士莫 上舍 莫庭詢 上舍 陳大聲 進士 萬冲

俞汝明 任居中 沈與

政和五年河東榜 錢葉 上舍 臧俞榜 沈與求 上舍 吳並

上舍 沈友直 八行 姚毅 進士 盧長卿 進士 吳師直 太醫崇

劉嶠 八行 史棋孫 上舍 朱蹕 上舍 周敷 八行 鄭績 太醫學

劉唐賓 上舍 姚處厚 毛選 沈覲

政和八年嘉王榜 莫仲珪 上舍 沈晦遠 上舍 沈該 上舍

王翰 特赴 徐抑 上舍 徐念道 上舍 莫庭芬 上舍 施銳 上舍

蔡德升 上舍 沈璫 鑠 張擇亨 施中行 吳景温

潘慶 李中 賈安常 朱次 丁昌 陳 莫

宣和三年何渙榜 劉寧止 潘蕢 王秉 方之平



劉一止 韋積 姚溪 鍾燮 宣和六年 沈時榜 賈安常 朱克明 丁昌朝 莫若

師謀 枉大成 劉岑 莫份 嚴抑 沈震 盛光祖 沈長卿

建炎二年 李易榜 嚴抑 沈震 盛光祖 沈長卿

陳澥 朱詢武 潘莘 石茂良 沈濬

紹興二年 張九成榜 劉知昌 朱三思 施煥之

陳綱 徐揚 王古愚 錢洵 范彥輝 陳琦 附申

紹興五年 江應辰榜 丁雄飛 沈作喆 周操 方梓

紹興八年 黃公度榜 林孔彰 談誼 錢建 沈晞顏

劉燦 倪稱 莫濬 沈介 吳允協 姚蹈 朱岳

葛立方 王存之 郊次雲 莫若 李昱 朱鼎

紹興十二年 陳誠之榜 揚郢弼 嚴康朝 范科

沈敷 李彥衛 朱安時 魯藝 沈汝一 方溥

施士衡 方榮 王存之 郊次雲 莫若 李昱 朱鼎

紹興十五年 劉章榜 趙之輔 嚴祝 莫濟 劉度

沈樞 陳則 李渥 袁綜 莊衡 周頡 設處

潘良翰 王佐榜 莫汲 芮輝 李彥穎 未三省

紹興十八年 王佐榜 莫汲 芮輝 李彥穎 未三省



萬介 王康年 芮輝 莫冲 施貫之 葛邵 未三 曾

紹興二十一年趙達榜 王獻民 李木 張俊民

黃元遜 姚仲欽 楚齡 盧嶼 施知彰 周蒙

堵觀 方將 沈夏 莫源 李昱 朱鼎

紹興二十四年張孝祥榜 周碩 莫源 李昱 朱鼎

鄭南 張潛 施元之 李濟 素損之 汪安行

葛郊 十二平朝 施元之 李濟 素損之 汪安行

紹興二十七年王十朋榜 鄭承 吳允成 莫澄

太史邵 吳允成 莫澄 方將

紹興三十年梁克家榜 丁輯 吳芸 沈祖德 鄧倫

周祐 芮嘉言 練夢鵬 沈瀛

隆興元年木待問榜 林垌 顧待問 丁光遠 周華

俞倫 顧強 劉國寶 李冰 呂旦 莫祥 盧峴

葛郊 朱繹之 丁敦夫 倪思 劉三

乾道二年蕭國梁榜 朱繹之 丁敦夫 倪思 劉三

傑 章深 莫樵 章潛 吳東 滕良知 劉庚

乾道五年鄭僑榜 莫漳 朱達 施邁 沈鑑 王邁

蓋必先 王邁



乾道八年黃定榜 李沐 孫僑 陳南 王孝巖

丁夢錫 盧宜之 沈作霖 朱濮坦 朱辟非 王蓋

淳熙二年詹睽榜 倪恕父稱弟 劉棠 周常 韋梓

孫曄 劉深之父庚叔度

淳熙四年皇帝幸太學釋褐 魯秉禮

淳熙五年姚隸榜 李尚兄冰 練文祖表 談子英伯諶叔慮 王

思齊上舍 章泳會祖惇祖擇父傑兄深 劉宗伯祖 倪愿父再兄 莫柯

祖仲珪 吳衡 章良能父駒 王申立

淳熙八年黃由榜 談鑰伯諶父慮 顧簡一舍 章燮

吳莘上舍祖 苗宜言伯曄叔輝 朱端常

淳熙十一年衛經榜 劉度上舍叔知伯兄 章良肱父駒弟良

能 李日與 傅良 胡脩 金堪曾叔 孟醇兄致誠姪

李翱 朱常 趙汝儼

淳熙十三年太上皇帝慶壽上舍釋褐 錢重

淳熙十四年王容榜 劉開之 沈觀 茅無競 朱景

獻 林煒 吳勳 朱髮 莫彬 沈有成 張嘉謀

朱濟 趙彥制

淳熙十六年二月皇帝登極上舍釋褐 沈端叔 臧辛



伯 洪 千 六 年 二 月 皇 帝 登 封 王 合 將 師 出 汝 南 臨 幸

紹熙元年舍復榜 劉序子開 沈葵曾伯 陳昂兄則 劉伯

麟 朱偃弟儕 王田兄中 朱應佯 趙善勸 趙汝瞻兄

雙 趙希實弟希容 趙汝嬰弟汝 趙希尹光疑 平 陳湘姪捕 劉依

紹熙四年陳亮榜 俞灝一兄 姪遠 應符 建 趙師迪 朱甲兄

之父度叔庚 丁端祖曾叔 維伯翰雄飛 趙師迪 朱甲兄

儕 俞沂 趙時逢 袁聘儒 李岑曾伯 祖友諒曾 陳至

伯則 陳眩 施一鳴曾叔 祖邁 陳壁曾叔 潛 伯祖 陳至

紹熙五年覃恩釋褐榜 萬夢實祖介 叔 喧

慶元二年鄒應龍榜 陸談經 顧元龍 陳有成

林漬之弟 莫汶 李天益 石宗玉 張準 曹待聘

趙師鼎

慶元五年曾從龍榜 韋炎 周師成 何灃 趙汝榛

列婦

孔氏婦 吳三郡國志云婦有八子皆訓以義方夜則讀書

畫則力田漢哀帝時俱為郡守後人因名其居曰八子墩

在烏程西三十八里其二子 蘇 蘇 蘇 蘇 蘇 蘇 蘇 蘇

乘公濟妻姚氏南文云吳興人生二男而公濟及兄公顧



乾伯並卒各有一子姚養育之賣田宅為取婦自與二男  
寄止隣家事聞詔卹其二子仍雅表其閭復徭役  
羊緝女佩任南史云烏程人隨男還舅氏母亡晝夜號哭  
不飲食三日而亡鄉閭號曰女表齊春秋云丘緝女

### 釋道

法願統記云俗姓鍾長城人宋孝武帝及高帝悉敬仰之  
願遭兄喪乞還卽至鄉勅旨重疊駕親自幸以伸省慰願  
遣弟子拒云卿疾未消不堪相見帝乃轉蹕文惠太子嘗  
往寺門訊願不命坐文惠作禮而立乃謂願曰藻吹清鏡

以為供養其福云何願曰吾<sup>善</sup>薩八萬伎樂尚不如志心今  
吹竹管子打死牛皮何足道哉其秉德邁時皆此之類後  
入定三月不食忽語弟子曰汝失餅籬矣尋卒

慧進高僧傳云慧造俗姓姚吳興武康人昔在凡之時性  
曠邁不拘名節中年意有所悟乃始出家常聚錢願造法  
華經一百部經營未成聚得錢一貫六伯文羣盜聞慧進  
欲造百部法華經謂其房中厚蓄資財遂劫而問曰師有  
幾錢慧進云貧道惟有造經錢一貫六百文在某處群盜  
覷然相顧而散及經成忽聞空中有人言曰汝願足矣當



生西方至永明四年無疾而卒時年八十有五矣  
法勛俗姓吳氏吳興人往武康縣家遭世禍因往建鄴大  
明七年與兄法亮同出家爲沙門初亮履行高潔經戒修  
整郎稟性疎率不事威儀集注涅槃經勤成部帙而言謔  
調笑不擇交遊高人勝己者少見齒錄卒于天監年中  
慧臣字智洪俗姓錢長成人年十四出家梁武帝嘉之勅  
有司賜衣鉢與陳文帝爲出塵之友及帝踐祚情好益深  
每乘四望車入宮內宣帝即位禮接彌厚勅請爲吳興大  
僧正住天居寺事見道宣下弟慧壽亦長城人事見隋宮

師傳

法禮俗姓包少出家好救人疾病素不知醫方藥術以意  
療之無不痊效又不曾習易占候之書驗陰晴雨雪十不  
失一又同侶通揚子江至淮南遇風濤一舟人畏懼禮立  
於船前攘臂張眉曰江神汝何不收風立波使吾船人平  
俄然風波怡息安然濟岸武后徵爲國師居龍興寺又武  
后朝包氏子於上強山中逢一白鹿任兩珠於地光輝可  
愛乃以一珠吞之其一珠歸以獻毋置于枕中先照一室  
後乃以珠捨入淒流寺殿詹額山包氏子出家爲天台師



也  
道宣俗姓錢長城下箸人也唐初母姚氏夢日入懷宣在  
孕十二月以四月八日生又嘗夢一僧曰夫人懷之子乃  
梁朝祜律師捨出家年十三學綜經史名遍天下隸名山  
豐德寺嘗有天師神來謂曰師當生彌勒宮中道一書曰  
此乃棘林天帝所燒者以其年各卒著內典書數百卷于世  
慧豪俗姓謝長城人住西水寺持法華經天旱求雨時有  
一綠衣人云吾是此山張水曹神將請于大山師若要雨  
一小吏與師行雨忽一夜大雨發洪水數家悉被漂溺旬

日又見前使所着綠衣人領一小吏屈膝脫背示鞭答之  
痕謂慧豪曰小吏行雨頗不用心已科數下訖  
法瑀俗姓沈年八十五禪坐而終數年始葬建塔其顏貌  
如生鬚髮長數寸高僧皎然為其立碑

以上本上人

道祥俗姓顏容貌奇偉作天竺婆羅門之狀幼而知道通  
大小乘統與烏程習法師最相友善習嘗夢道祥來謂貧  
道悉是維那佛已今應緣且卒故來相別耳習驚覺俄有  
長城信至云祥法師已卒



清畫字皎然謝靈運十四孫天資踈野多人思居郡中興  
國子西院尤工五言詩與刺史顏真卿諸名士倡酬及預  
撰韻海鏡源著儒釋又遊傳及經典類聚四十卷入有茶  
談一篇後元和四年刺史范傳正典會稽僧靈徹同過舊  
院題詩云道安已返無為卿志遠來過舊草堂余亦當時  
及門者共吟佳句一焚香

宋嵩頭院序之云唐僧皎然以道稱於吳諺美之曰嘗之  
畫能清秀又作詩云畫公文章清復秀大與其能不可聞  
僧政文什自古有出拔須尊畫為首凡七韻

惠覺俗姓丁唐朝人禪坐一床致絕糧終年所居興化享  
降甘露之祥

慧隱俗姓陳住報德寺所居房中除三衣外不置一初足  
不履俗家常日夜誦法華經兩遍澡瓶浴盆將盡輒滿每  
擬誦繼香無故自然芬馥

道虬俗姓張住長興報德寺通內外典籍尤善談論及人  
校書郎烏程包融為之贊序云沙門道虬年三十三立才  
獨行亦猶山有鳳凰之雛林養後狎之子凡百羽毛之族  
無不祇畏



慧暢公姓除不學於師至契心印嘗織芒躡蒲履之屬於  
上中道伴一日謂弟子曰吾聞天台山有凱公遺迹思暫  
往焉言訖便行躋山涉澗不由道路長城曲水寺去天台  
八百餘里後有人從天台來計暢東一日而至後忽令門  
人洒掃曰今日將有客至齊訖臥坐奄然而逝

慧解俗姓陳有至行常多學徒于天目山坐夏屬歲早齋  
糧不足僧衆將欲下山解乃賣身得錢穀絹帛以給之沙  
門杼山皎然萬溪道祥虎丘法簡時相友重請住蘇州流  
水寺

法珙高僧傳云法珙俗姓楊河東人永嘉中過江值沈臺  
直講住武康小山寺講大品維摩涅槃等經永明中勅吳  
興致上京年九十七歲

法訓居馬勁山蘭若山中舊多蛇虎法訓至夜夢一千人  
云和尚在沈弟子當為和尚驅逐山中害蛇虎乃自絕  
慧纂俗姓陳住吳興長城尺居寺精於學業年十三卒

以上係住院僧

法照唐朝吳興人也姓黃氏學道內外武后賜墨敕禮為  
門師居重光寺



慧澤俗姓吳興長城人獵涉註史有文彩出家通內外  
典四部之書住重明寺見梁書

以上尼二人

孟翼齊春秋云烏程人造正一論言佛之與道一也

戴洋字國游吳興長城人年十二病死經五日復蘇乃自  
云天使為酒藏史授符籙麾節芥蓬萊崑崙積石大室匡  
廬等山逢一老父謂曰汝當得道善風角占候凡所試驗  
百不遺一

沈法護吳興德清人幼聰智為葉天師弟子詹景雲二年

執墨敕使江南十二州採藥

回道人回仙錄云吳興之東林沈東老能釀十八仙白酒  
一日有容自號回道人長揖於門曰和公白酒新熟遠來  
相訪願求一醉寔熙寧元年八月十九日也公見其風骨  
秀偉楚然起迎徐觀其碧眼有光與之語其聲清圓於古  
今治亂老莊浮圖氏之理無浙不通知其非塵埃中人也  
因出酒器十數于席問曰聞道人善飲欲以鼎先為壽如  
何公曰酒器中惟鍾鼎為大屈卮螺林次之而藜花蕉葉  
最小請戒侍人次第速斟當為公自小至大以飲之笑曰



有如顧愷之食蔗漸入佳境也又約周而復始常易器滿  
斟于前笑曰所謂杯中酒不空也因公興至即舉杯常命  
東老鼓琴回乃浩歌以知<sup>和</sup>之又嘗圍碁以相娛止奕數子  
輒拂去笑曰祇恐碁中爛今柯因公身日中至暮已飲數  
斗無酒色是夕月微<sup>微</sup>明秋暑未退蚊蚋尚多侍人秉扇欬  
拂偶滅一燭回公乃命取竹枝以餘酒啜之挿于遠壁須  
哭蚊蚋<sup>盡</sup>蓋棲壁間而所飲之地洒然東老欲有所叩<sup>先</sup>光託  
以求酸蚊之法回公曰且飲小術烏足道哉聞公自能黃  
白之術未嘗安用且篤于考義又多陰功此<sup>予</sup>今日所以

來尋訪而將以發之也東老因叩長生輕舉之術回公曰  
以四天假合之身未可離形而頓去惟死生去住為大事  
死知所往則神生子彼矣東老攝之起謝有以喻之回公  
曰此古今人所謂第一最上極則處也此去五年復遇今  
日公當化去然公之所鍾愛者子偕也治命時不得見之  
當此之際公亦先期而知謹勿動懷恐喪失公之真性東  
老<sup>老</sup>領而悟之飲將達旦則甕中所釀止留糟粕而無餘瀝  
矣回公曰久不遊浙中今日為公而來當留詩以贈然吾  
不學世人用筆書乃就擘序上榴皮畫字題于庵壁其也<sup>字</sup>



微黃而漸加黑故其言有仙人贈東老詩西隣已富憂不足東老雖貧樂有餘白酒釀來綠好客黃金散盡為敗書凡三十六字已而告別東老啟闕送之天漸明矣握手並行笑約異時之集至舍西石橋回公先度乘風而去莫知所過

葛洪嘗隱居于葛仙山今山有鍊丹竈搗藥臼存焉風雨之夕再或顯現職方圖志云葛仙鍊丹處天下有十三烏程居其一又子城北天慶觀西有鍊丹井俚俗傳云葛仙翁嘗於此井汲水鍊丹焉

蘄子訓風俗通云子訓藝明方術解分身王儉姓系云子訓漢時隱身于吳郡餘不鄉今在武康縣界也尋卒葬烏程縣湖跌山

馬自然有人于白塔巷釀酒出賣遇道人馬自然常來賒酒而飲不醉無歸如是日居月諸主人供待無擇一日道人沈緬後謂主人曰我今日已得仙矣所逋酒價焉敢輕酬遂出囊中藥點化賣酒鐵升並為紫金便印脚下雲生一昇而去士庶登店前溪橋望觀如堵咸見入雲而去其橋遂得名望仙江子滙頗多蚊蚋自道人馬自然泊舟之



後至今其處不生暑月居人坦然無苦  
姚紵嘗于白鶴山觀碁爛柯得仙於此山化為白鶴而去  
後人因以名焉括地志云安吉縣有五山昔鄉人姚紵者  
採樵于山遇仙及還自入甕中隱其身謂家人曰可七日  
勿開期未至而家人開之紵變為白鶴飛去  
陸修靜隋時為道士沒于烏程縣東仙潭更數月乃出後  
人因以名焉

施續女吳時驃騎將軍西陵督故障施續女得道續內傳云  
續有女名淑昔有仁信今聞得道今在東洞天中易遷宮

張志和續仙傳張志和號玄真子嘗為漁父詞後于湖州  
刺史顏真卿坐上雲鶴翔集飛升而去餘見事物雜誌玄

真子下

沈義吳興人躬耕于野棄耕其而亡家人求之不得自是  
聲跡宵絕子孫相傳以為羽化邑人莫之信也齊永明二  
年乃歸訪舊廬謂其耳孫曰吾為汝家四世祖在西蜀之  
西以符藥治病有活人功上帝授我白玉簡為碧落侍郎  
今歸告汝爾俄忽不見邑人聞之駭異遂以其地建道觀  
設詞塑像以奉之事見太平廣記今觀之東偏環翠堂有



唐人詩云碧落新除沈侍即便驅旌節治東方不知今夜  
遊何處從者皆騎白鳳凰宋崇寧大觀間有內庭女道官  
鍊師孫十霞夢一道士披采霞衣來言曰吾武康人也在  
碧落中有仙職時薄遊塵世與道觀里域真官爲鄰與子  
有宿緣他日當相遇于彼十霞覺而茫然不知武康爲何  
地及靖康之亂避難南方依直省官石防禦者家于德清  
之韶村始知武康爲吳興屬邑一日石氏設大醮謝罪羽  
衣畢集邑之主觀道士姜景良與馮十霞具以夢告景良  
曰即吾邑沈羲也祠堂在里域真官之在十霞感慨流淚

亟造延真觀焚香設禮瞻仰塑像拜而起曰真吾夢中所  
見也遂捐橐中金徧施黃冠而去十霞後于富陽泰元山  
建紫霄宮其徒數百人年八十有九忽領鬣蔚然叢生越  
三年羽化真異人也見餘英志

右神僊